

課慎堂詩集

詩集

卷之四

楚遊

卷之五

耕露

卷之六

釣月

卷之七

復嘯

乙



楚遊草自序

詩列十五國風而楚不與焉外之歟非無可采也接輿歌  
鳳至聖停轅香草幽花孤臣結佩前如簫瑟激籟於湘波  
後若雨雲縈思於夢澤淒清善感寄寓多情爲咻爲吟雅  
俗殊致烏可一概揮手曰彼哉彼哉楚也云乎余於壬戌  
之秋飄爾南遊履楚之地挹楚之景詢楚狂之高蹤訪靈  
均之遺事弔斑篁之猶在悟誕夢之俱非觸物興哦發懷  
遣意積而筆之遂成一帙萬萬不敢望合風人之旨補十  
五國之遺也若概以爲咻而外之曰楚耳楚耳願縱觀之  
瀟湘雲夢間



課慎堂詩集卷之四

楚遊草目錄

旅店和沈繹堂先生壁間韻

黃梁夢古蹟

孔子擊磬處

秋日之楚省兄途次口號

中秋途次懷友賦寄

中秋宿臨穎卽席和洪漢章感懷原韻

秋日途中述懷

贈夏大夏

明港驛賦贈洪漢章楊漢哲

過武穆王祠

渡黃河



河岸舟宿

早發苦陰口號

途中苦雨

宿瀟口遣使赴漢陽式林兄處索舟

曉晴

秋夜

夢得首句早起續之

聞歌

山中野望

式林七兄署中遇鄖陽郡丞淑埜二兄及叅領薦公

姪喜賦

歸元寺

登漢陽朝宗門樓懷古

遊晴川閣

望黃鶴樓

秋興亭

送薦公姪凱旋北上

瀟水阻風泊舟小庵獨酌

家兄書至

九日感懷

菊花篇

夜坐

客夢

漢江

舟中

寄常學士

江上行

憶昔

舟中感懷

對酒偶成

楚歌

客楚示蘇二交

對月感懷

泊舟

漢陽署內聞式林七兄鼓琴歌



對酒憶弟

不寐

漢江懷古

太白樓古意

登黃鶴樓

秋夜對酒歌示楊漢哲

江漢朝宗

晴川春樹

漢陽古渡

大別晴嵐

鳳山秋興

江城烟雨

白沙蘆影

月湖泛舟

堤柳風清

興國遠鐘

閨怨

登漢陽城樓感賦十韻

漢陽太守蔣鷺洲先生祀名宦

返照

望蘆洲

廣文張石虹絕糧詩以慰之

漢陽城西舟中晚坐

秋樹

贈惠印可北上

覽鏡有感

漢陽泛舟卽事十韻

晚眺

古刹

深秋夜話

客舍

途中偶占

答贈蔣玉淵

山中訪友

旅次燈前獨酌有感

途中阻雨

舟泛長江憶去年此日在鬲津



秋風

送黃州翁郡丞武原入覲十韻

所見

夜發湘江

泛舟嘉魚

舟中秋望

江城秋興二首

楚江吟

冬月望日同夏大夏楊漢哲洪漢章夏青字諸子劇

談時余將之都詩以誌別兼示惠印可

過恨這關次惠印可韻 遂平值雪

再過宜溝驛曉發懷古 咏懷

曉寒

簡謝蔣玉淵

賦示惠印可兼志別

歲暮歸來期與鄧公遴晤談已先期返權賦此寄之

與友人話舊

壬戌除夕三首

癸亥元旦

送大兄覲還楚任二首

寄贈郎城羅魯峰

送武原翁郡丞覲還黃州二首

送惠印可還武昌

再送

偶賦



課慎堂詩集卷之四

楚遊草

銀城李興祖廣寧著

受業陶

岐文治

古賢王 楫汾仲定

男

鰲又白

校

旅店和沈繹堂先生壁間韻

十年常作客一宿似還家  
古道多垂柳荒村正落花  
岸侵溪水濶雲淡夕陽斜  
壁上詩堪和揮毫趁晚霞

黃梁夢古蹟

邯鄲城北黃梁夢入望遺踪  
實可哀高棟飛檐荒歲月斷  
碑古壁徧莓苔曾知博望乘槎去  
無復緱山跨雀來欲慰



旅魂安一枕恐遭風雨又驚回

孔子擊磬處

聖跡傳斯地經過且駐車  
堦荒披露草徑接傲霜花  
孤響疑猶在知音邈已遐  
徘徊岐路側回首幾咨嗟

秋日之楚省兄途次口號

征途暑汗未全乾馬首西風入  
暮寒煙樹晴川頻計日遙  
知兩地各征鞍

時家兄由黔臬之武昌方伯任

中秋途次懷友賦寄

澄空如碧桂香浮客舍  
淒清感素秋盡道武昌明月好  
閒時遮莫一登樓

中秋宿臨穎卽席和洪漢章感懷原韻

他鄉喜值故人來笑把金樽次第開  
旅夢曾依無棣曲客星今照穎城隈  
蟾蜍光與蘆花映砧杵聲將木葉催  
倍覺中秋明月好霓裳一曲入新裁

秋日途中述懷

誰念風塵解縵袍深秋客路興蕭騷  
媿無高調當青眼幸有芳尊泛綠濤  
懷抱每從人事拙行藏空笑馬蹄勞  
可知仲蔚真能隱門外何妨滿徑蒿

贈夏大夏

朱顏華髮老烏巾杯酒論交笑語親  
莫厭布衣稱草莽偏



詩情室詩集 卷之四二  
憐椽筆著經綸年過甲子神尤王足徧山川學愈新待奏  
明光膺辟命豈應常自說畊莘

明港驛賦贈洪漢章楊漢哲

高談驚坐氣崔嵬梁苑咸稱作賦才曾以詩文傾鄴下還  
憑經濟上燕臺天南喜識雙珠合冀北爭傳一驥來驛路  
花香春不遠臨風且共把深杯

過武穆王祠

道左神祠舊經過涕欲流殘碑刊故里老樹表荒坵撼岳  
軍何壯還宮願未酬可堪三字獄資彼敵奸謀

渡黃河

長歌經汴地獨嘯向河隈九曲洪流在扁舟截渡來水澄  
秋氣淨天冷樹聲哀遙望雲收處層層碧嶂開

河岸舟宿

孤舟夜泊傍平沙暫憇江村看晚霞燈燼難延孤客夢壁  
殘還露隔隣花荒榛壟斷無樵路獨木橋通有酒家捉鼻  
撚髭消永漏滿船明月興還賒

早發苦陰口號

方值三更盡僕夫催起行星將林露暗路傍土人清不覺  
前村近惟聞吠犬聲何能消客悶抱渴待天明

途中苦雨



讀懷堂詩集 卷之四三  
匹馬驅馳東復東濕雲如夢帶淒風幾家草舍層陰裏滿  
眼楓林細雨中逐伴衝煙逾險道過時打火累奚童客途  
漫說江山好未及登臨興已窮

宿灑口遣使赴漢陽太守式林兄處索舟

傳語江迴折山橫水勢分層崖懸細瀑萬壑起重雲詩入  
池塘夢梅含冰雪芬扁舟如肯渡詰早便逢君

曉晴

宿霧方收盡朝霞復滿空游鱗出澄浦鳴鳥聚芳叢樹色  
新勻綠花姿乍吐紅層巒迎馬首身在畫圖中

秋夜

咄咄幽窓下遙遙客思長殘燈延斷漏孤枕倚匡牀風亂  
蛩聲碎秋高桂魄涼終宵期盡醉明日又他鄉

夢得首句早起續之

我夢長空月如盤墜榻前鐘聲無賴甚偏擾旅人眠

聞歌

一曲清歌遶畫梁隔鄰如挹口脂香騷人酒畔渾無那不  
覺沉酣入夢鄉

山中野望

拄杖看山曉氣清層巒曲逕少人行巖花四合明如錦古  
木時聞幽鳥聲



式林七兄漢陽署中遇郎陽郡丞淑埜二兄及叅領

薦公姪喜賦

骨肉分襟近十年一時重聚漢陽天南豐琴理知恩溥西

蜀鏡歌聽凱還

時荐公姪由蜀班師過此

瞿峽波濤清瘴海荆門雲樹

接晴川衙齋况有陶家菊促膝傳觴笑語偏

歸元寺

偶過歸元寺層巒護竹關苔痕隨屐裂松翠落衣斑入定

魔降伏觀空崔往還總無持鉢念何自到人間

登漢陽朝宗門樓懷古

高秋細雨過城頭暫爾登臨愜壯遊水接瀟湘遠海納山

連荆楚禹圖收樓形半讓晴川閣江勢全吞鸚鵡洲遙望

郎官

湖名

何浩渺烟波逐日汎漁舟

遊晴川閣

傑閣凌虛絕壁開飛簷朱戶傍江隈一棹江光浮遠樹四

圍山影入深杯未謝寒花猶自馥岸傍楊柳栖鳧鷺巍橫

黃鶴拱雕闌古往今來恣遊目古人事跡今已非古今歌

咏今仍讀我來繫馬立孤亭積翠流青列綺屏傳竿飛觴

頻命侶清歌妙舞莫教停丹楓如醉凝斜照相顧酡顏縱

喧笑荏苒光陰能幾時莫將華髮輸年少噫噓欵莫將華

髮輸年少



望黃鶴樓

鄂渚負高樓巍然入望眸霞明萬戶曉月浸一江秋歌嘯  
留仙珮登臨緩客愁寂憐人定後鐵笛韻悠悠

秋興亭

賈至今何往獨遺秋興亭潮聲翻地白雲氣逼山青縱目  
憑東檻賞心在北屏客懷因以曠鳧雁起花汀

送薦公姪凱旋北上

慙勤杯酒餞江樓北望燕山是帝州境土呂嘉無竄穴  
樓船楊僕有安流登臨幾共晴川閣去住還分鸚鵡洲烽  
火頻年堪涕淚只今珍重話封侯

澗水阻風泊舟小庵獨酌

蒲帆方就理風逆捲驚濤水勢浮天濶山根拔地高憑凌  
蛟室近安穩梵宮牢且就僧謀醉村隣有薄醪

家兄書至

喜得黔陽信遙從漢水傳萑苻初息談耕稼始歸田弊政  
知重理煩科賴再蠲離情紛縷縷長咏鵲鴿篇

九日感懷

節屆登高歲歲同可堪霜雜鬢絲中籬邊仍醉黃花酒臺  
上猶吹落帽風陶令迎門惟五柳中郎對客只孤桐長年  
宦跡如蓬轉翹首燕山北去鴻



菊花篇

菊花九月鮮。離離對錦筵。幽艷宜清賞。寒芳若自憐。因懷  
餐英客。還思結珮年。阮籍狂方醉。陶潛愛未眠。相看燈欲  
灺。移影就嬋娟。恍如白玉蟾。依稀來真仙。霜露泫其顏。黃  
紫更嫣然。

夜坐

寂歷踈燈對竹編。花陰斜轉未成眠。移樽欲和霓裳曲。重  
裊金猊一炷烟。

客夢

久滯天涯念欲灰。北風獵獵起塵埃。羈魂無奈鄰鷄破客

夢偏驚。戍鼓催幾度。仲宣空作賦。無如靖節只銜杯。天時  
人事悲寥落。孤枕寒生雁語哀。

漢江

漢江如駛向東流。無際烟波極遠眸。千里歸心鴻點點。一  
天寒色月悠悠。危樓晚度龜山翠。峭壁晴連白帝秋。遷客  
孤臣憑弔處。幾多蹤跡任沉浮。

舟中

扁舟曉發漢陽城。欹枕篷窓聽浪聲。霞射波心江五色。霜  
高雁陣字雙橫。方思草榻連雲掃。又買村醪對月明。辛苦  
篙師聊少憇。一帆如葉趁風輕。



寄常學士

昔年曾共鳳凰池  
愧我卑棲守菊籬  
疎樹寒雲孤鶴影  
猶疑明月是相知

江上行

汴國由來楚地雄  
作賦懷沙感慨同  
孤帆影落神女廟  
扁舟浪破大王風  
風狂雨急暫停船  
載酒高歌慰離索  
放棹中流浪始平  
一聲欸乃山水碧  
君不見楚王宮殿已成灰  
太白樓空亦塵埃  
舉杯欲邀靈均語  
蒼茫惟見野雲堆  
又不見司馬才高五嶽遊  
禰衡氣盡鸚鵡洲  
香魂艷魄如常在  
昔人何不至今留

憶昔

鶯老花殘感慨間  
青衫破帽對江山  
昔年豪華不可憶  
岸柳山梅呈舊顏  
舊顏不似今顏老  
今顏不比舊顏好  
蹉跎歲月已四旬  
醉眼醜醜觀十寶  
吏績詎云望後傳  
郎官列宿斗牛邊  
十年撫字空留記  
兩袖清風不受憐  
簿書堆裡見心髓  
官拙從教馳譽毀  
已許神武早掛冠  
黑甜一枕無非是  
君不見春花艷艷裊輕烟  
又不見秋鴻嘹唳沉雲邊  
科頭散髮衡茆下  
如在羲皇遊葛天

舟中感懷

雲中鴻雁自翱翔  
浪跡天涯倍可傷  
泛泛鳧鷖閒澤國  
亭



詩情堂詩集 卷之四 八  
亭樓閣峙江鄉避人獨愛鳩巢拙怡老還憐馬骨強水驛  
郵籤知不遠篷窓盪酒敵風霜

對酒偶成

苦雨酸風次第催鳴蟬衰柳急秋回如勻嬌面初開菊似  
老頽顏半落槐兩岸蘆花飄雪盡一行鴻雁帶霜來時宜  
不合應高蹈蘿壁藤牀獨舉杯

楚歌

一派村歌沸耳譁半聞樵牧半漁家遺來霸氣多悲壯譜  
入騷壇助嘆嗟比似吳歛聲更曼並將隴曲調還賒悠悠  
無限關情處楚水燕山路正遐

客楚示蘇二交

如練秋江遶漢陽離人對此倍神傷宦途蕭索裝何薄旅  
舍淒清夜正長遠涉非因真落魄放歌豈比假踈狂親知  
倘有寒溫問莫道無聊客異鄉

對月感懷

淒淒玉笛弄秋聲竹榻松窓覺倍清雲樹徒從天外望霜  
花偏向鬢邊生人留客舍傳詩史夢破鄉關仗酒兵相對  
終宵寒不寐虧盈與我有同情

泊舟

渚白沙明好泊舟淒涼景物動新愁蕭蕭細雨蘆花晚落



言懷堂詩集 卷之四 九  
落空山桂子秋薄醕似難酬麗句曠懷更欲上高樓荒村  
寂歷炊烟冷雁陣橫斜過遠洲

漢陽署內聞式林七兄鼓琴歌

指間妙諦傳宮商譜得中郎焦尾張仙掌飛來鐵鳳翔江  
潮捲動老龍狂龍狂鳳翔軒以昂雪鴻霜鳥相頡頏漢宮  
爛熳敷芬芳梁園賓客肅且莊南薰解慍慰黎蒼頤長黝  
黑見文王武城舊理今復彰伯牙遺響此能方移情海水  
何茫茫聽罷餘音猶遶梁

對酒憶弟

別來况趣近如何獨立高秋聽雁過於我祇須安蹇陋逢

人翻怕說蹉跎琴逢鍾子知音少馬遇孫陽覺淚多老屋  
寒花聊共適漢江明月漾清波

不寐

寂寂幽棲少客過長宵徙倚望星河百年心事愁邊盡萬  
卷詩書老去何風度孤幃花氣冷月移破壁竹陰多却憐  
踪跡飛蓬轉且罄殘尊發浩歌

漢江懷古

浩浩長江一望秋白蘆紅蓼滿汀洲居人約畧言遺蹟遷  
客流連憶勝遊故苑鶯花隨代謝晴波鷗鷺任沉浮獨憐  
衰柳斜陽外漁笛聲聲過渡頭



太白樓古意

君不見太白遺跡傍城隈  
朱簾畫棟倚雲開  
彩毫繡句今已矣  
當時縱酒真奇才  
可憐人去樓空在  
橫路殘碑長古苔

登黃鶴樓

樓上仙人何所之  
徒尋遺跡動相思  
氣連七澤雲長合  
影落三江月正遲  
閣筆漫誇當日賦  
倚欄還詠感懷詩  
楚王宮殿今安在  
滿眼風花異昔時

秋夜對酒歌示楊漢哲

吁嗟日月駛何爲  
涉風霜星言聊襍被  
策蹇之巖疆行行

渡滹沱旅宿懷黃梁  
不憚行裝薄翻愁僕御忙  
極目確山道漢水通瀟湘  
蓉菊開秋霽鷓鴣叫月涼  
馬瘖僕亦痛貫酒解衣裳  
借問誰家好孫媪言頽頽  
今日酒已盡君意莫徬徨  
必欲破枯寂爲君問東廂  
色淡味頗甘聊以潤枯腸  
暮捲衣被出詰朝抵漢陽  
漢陽名勝地言之堪憫傷  
原野漫波濤閭里變滄浪  
山根穿地沒水勢連天長  
愧我非鄭俠圖此志凶荒  
是時吾與子風雨幸連床  
無從拯飢溺徒嗟嘆與瘡  
謀醉何由得有客遠相將  
云自江南來惠泉名久彰  
欣喜溢眉宇無易泄其香  
旣酌酒之精復憶酒之良  
長安多異釀酒帘蔽日光  
刁家無奇水厥味甜似漿  
惟有



言懷堂詩集 卷之四十一  
易與魏麩蘖頗芬芳羊羔笑山右葡萄陋安鄉滄酒以時  
售桑落應候嘗類此皆薄味難洗梨花粧我性獨好此願  
以供傳觴清濁比聖賢差堪用其臧深談復淺酌月影移  
東方燈燼續明膏竹影過鄰牆命童洗更酌散髮呼顛張  
爲君頌酒德聊以答糟糠勿復言富貴浮雲實渺茫勿復  
憂貧賤吾道足自強送窮與乞巧韓柳亦荒唐一斗襟懷  
豁一石寵辱忘願得中山釀乃以遂吾狂

江漢朝宗

永江廣漢遡源流吳越人爭指上游叠浪都疑蛟作戶洪  
濤幾認蜃爲樓大王空對雄風嘯神女猶携暮雨愁自是

安瀾稱盛世殊方異域奉共球

晴川春樹

晴川高閣倚崔嵬樹色參差碧嶂開岸結層陰浮畫壁庭  
垂古翠映蒼苔孤峯日上朝烟散三峽濤飛暮雨來歷歷  
江山堪入目一番登眺一徘徊

漢陽古渡

柳岸沙汀駐客踪心知此渡往來通聲呼樵牧三湘雨影  
亂檣帆七澤風蘆絮似驚雙鬢白蓼花如笑幾株紅夕陽  
西下催行晚穩泊烟波一釣翁

大別晴嵐



嶙峋大別古名山飛鳥遊雲自往還霽色遠分三楚澗烟  
光迴合九真環深藏僧寺空青裡淡抹人家積翠間却笑  
勞勞名利客輸他巖壑此中間

鳳山秋興

雄城北倚鳳皇山乘興偏宜拄杖閒繞徑黃花呈暮色連  
林紅葉壯秋顏長空寒雁穿雲度遠寺孤僧帶月還強欲  
登臨增旅思不禁淒切憶鄉關

江城烟雨

寒雲漠漠雨淒淒繡列江城入望低濁浪排空千里合驚  
濤湧雪萬家迷山光忽斷花闌外樹色還浮水郭西莫怪

青蓮猶閣筆詩中真有畫難題

白沙蘆影

凭欄遠眺大江流一片光生柳外洲影亂鷺鷥迷皎月沙  
明鴻雁落清秋糧驚大將波淘潔衣悵高賢雪點稠徒倚  
不堪憑弔處幾聲短笛起漁舟

月湖泛舟

波光雲影兩悠悠乘興還憑汎夜舟衝破蘋花鷺鷥宿分  
開蓼葉駭魚遊桃津疑接漁郎渡梅港如隣和靖丘雙漿  
依依從轉折遙空斜挂一輪秋

堤柳風清



一帶長堤遶漢城絲絲縷縷拂風清初舒細眼知何意頻  
曳柔條繫遠情翠黛姨家描淺淺纖腰娃館舞輕輕賞心  
更是烟深處傳遞鶯聲與燕聲

興國遠鐘

穿雲古刹倚山巔薄暮鐘聲落遠天直徹城闌驚宿鳥還  
來野店促行鞭秋清竹月僧方定夜靜松風客獨眠此際  
人皆知警覺塵心能不一惺然

閨怨

可憐佳人生薄命可憐浪子跡無定至今郎去幾多時水  
遠山長囊且罄他鄉誰念汝形單他人誰憐汝身寒身寒

形單君自曉儂倚柴門望未了此日恨君剪青髮此夜思  
君對明月月明照見兩人心儂對明月望吳越吳越花飛  
柳已殘高天鴻雁渡層巒處處砧杵催刀尺家家兒女理  
絲絃流光迅速秋風迫問君何事苦爲客客途誰問寒與  
溫客夢難回阡與陌傷心一曲後庭花浪子飄流不顧家  
寒雲細細浮江芷殘照離離亂夕鴉儂身空託雨雲早儂  
顏空過鶯花老鶯花雲雨恨悠悠長嘆一聲命如草問君  
何日是歸期嶺上梅花信報遲春到深閨儂自識粧殘鏡  
暗知不知

登漢陽城樓感賦十韻



盤折登城閣遙看雉堞分西瞻屏疊翠東顧錦披曛湖接  
湘江水山含白帝雲晴光翻激灩暮靄鎖氤氳雁陣歸秋  
急漁歌動夜勤騰空帆影上炫目浪花紛樹杪人家出風  
前笛韻聞詩推杜工部賦重鮑參軍却喜松蟠石翻悲芝  
受焚性同丘壑永跡與鹿麋羣

漢陽太守蔣鷺洲先生祀名宦

俎豆新香大別聞爭傳崇祀舊神君芹宮藻鑒懷朱博珠  
樹蓀枝衍長文三戶長思馴雉日一囊猶貯爽鳩雲我過  
蔣徑尋萊竹惠政清風次第分

返照

好趁斜陽一上樓水迴山轉幾林丘漫言過隙終難駐會  
見揮戈尚可留石壁翻時寧隱窟漁船泊處獨垂鈎虞淵  
浩蕩人無恙且向江村覓酒籌

望蘆洲

楓葉霞光亂蘆花雪點勻漁村烟斷處更見採樵人

廣文張石虹絕糧詩以慰之

君家里舊號鳴珂蕭索寒氈奈若何塵甑史雲終未滌菹  
盤鄭老此尤過饑來難煮青錢字興到仍裁白雪歌飲水  
宗風曾不忝三鱣兆肯便蹉跎

漢陽城西舟中晚坐



嶺岼山勢倚城隈  
逐隊漁人放棹回  
林外角聲催日落  
樓頭笛韻趁風來  
還思破浪同元幹  
可許名流軼叔開  
獨坐看雲時出岫  
星光動處見三台

秋樹

丹楓迎醉客  
霜葉滿疎林  
只覺秋光好  
應忘寒氣侵

贈惠印可北上

見說豐城雙劍合  
孰知一鶚尚凌虛  
賞心共讀楊雄賦  
慨世惟留阮籍書  
年近知非情較逸  
身經習坎興如初  
燕臺舊許君名重  
重重過應多長者車

覽鏡有感

鏡裡蒼顏看未真  
長鬚短鬢是何人  
護門惟種松雙樹  
對客常行酒數巡  
三十年餘半甲子  
五千言在幾冬春  
浮生如夢渾難定  
且向高歌漢水濱

漢陽泛舟卽事十韻

漢水連天濶  
龜山拔地雄  
嶙峋疑嶽岱  
蕩漾泛艫艨  
陰壑藏豺虎  
晴嵐鎖蟒螭  
迴流疑雁宕  
旋洑似蛟宮  
洲渚蘆初白  
沙汀蓼正紅  
雨絲牽水荇  
霞彩煥江楓  
詞賦誰能妙  
樽罍未許空  
二三稱好友  
六七命奚童  
漁艇回殘照  
樵歌度晚風  
歸來明月上  
指路有溪翁

晚眺



餘閒好在晚風前歷歷河山指顧邊  
百仞高峰摩碧漢兩層峭壁夾晴川  
暮鐘遠度聞林麓宿鳥羣歸集樹顛  
返照入江收釣艇村村茆舍又炊烟

古剎

散步招提外偶逢僧者俱石梁秋水淨旋汲入茶鑪

深秋夜話

丹楓黃菊入深秋時序推遷感去留  
月冷吳江羈客夢風高漢水旅人愁  
匣中龍劍徒稱賞架上牙籤費校讐  
相向挑燈不能寐且憑尊酒轉雙眸

客舍

寄跡荒城畔無從識異才世情違古道  
心事付深杯雲氣跨江過山光入戶來  
詩成無客和獨賞獨徘徊

途中偶占

絕壑虛巖俯碧流西來秋色已盈眸  
握中明月無人見自解金貂換酒籌

答贈蔣玉淵

鶴唳孤松萬壑秋此時高寄復何求  
豐城劍許星文見合浦珠從月魄摅  
曾識詞章傾鄴下定知人物傲荊州  
黃花碧樹紛相映可許佳晨共唱酬

山中訪友



峭壁從猿嘯高枝聽鳥棲爲訪桃源客翻愁道路迷

旅次燈前獨酌有感

行行悲道路水驛與山程惟酒堪酬倦將詩可寄情囊錢  
隨日乏行李逐時輕惆悵前途事樽空夢不成

途中阻雨

細雨溟濛客路秋遲迴古驛轉增愁翻憐禾黍離離發却  
怪鳧鷖泛泛遊空自窮途耽嘯咏與誰靜夜勸觥籌羈心  
無那頻欹枕忽聽鄰簫一展眸

舟泛長江憶去年此日在鬲津

隔年經兩地南北總流離鄖國狂歌日鬲津痛飲時江湖

憐聚散歲月計程期徒有虛名在勞勞鬢已絲

秋風

極目荒亭外蘆花照水明長堤徧衰艸入暮動砧聲

送黃州翁郡丞武原入覲十韻

數載勤王事中心秉塞淵封章呈殿最輯瑞赴班聯半刺  
聲名重分司雨露偏萑苻膏斧鑕黎庶樂桑田慈父一州  
望神君三楚傳文章今古冠詞賦後先編攬轡鳴環珮步  
墀惹篆烟嵩呼瞻舜日虎拜祝堯年北闕飛丹鳥南宮設  
綺筵旬宣彰化理錫爵定三遷

所見



言懷堂詩集 卷之四十八  
朝汎漢江清暮宿楚雲白  
如煞釣魚翁常饒山水色

夜發湘江

信宿湘江晚前途路欲迷  
不因愁驛遞遂爾判東西  
古木寒猿挂深林宿鳥啼  
興言已夙駕匹馬渡遙溪

泛舟嘉魚

舟行無定所今日過嘉魚  
戲鷺翻波亂垂藤挂樹踈  
蟲聲占物候樹影下庭除  
却羨魚竿靜臨流任卷舒

舟中秋望

四圍如列錦一望豁胸襟  
江濶秋添色山遙晚送陰  
寓翻古帙撥悶弄名琴已許  
今朝醉停橈聽好音

江城秋興

鄂城沽酒解金貂坐月看雲破  
寂寥漁釣隨波安小艇牧樵  
逐伴渡危橋磯當黃鶴中流  
斷閣倚晴川煩暑消寂歷霜  
風鸞鶴唳如聞玉女夜吹簫

其二

踈松隔水奏清商一卷離騷手  
自將夾岸殘蘆飛雪影遙天  
涼月散秋光因風掃葉供茶  
竈爲醉成詩架筆牀極目靈  
均沉骨處汀蘭晚芷有餘芳

楚江吟

大江環抱漢陽城倚檻聊舒  
望遠情書畫一船堪自傲不



應牢落滯南荆余年二十始通籍惟有詩書隨旦夕暢洽  
民情如水乳酬唱歌聲出金石鳳皇山只在簾楹鸚鵡洲  
仍近咫尺好因風景恣吟哦客裏鶯花未蕭城木蘭一葉  
縱輕流繡列亭臺兩岸浮北峙晴川開傑閣南飛黃鶴號  
名樓蝸角蠅頭如彈指失亦不驚得不喜陶潛松菊未荒  
蕪張翰尊鱸堪擬似窈窕漁舟破暝烟月明孤笛韻悠然  
郎官湖上青帘裊知有當鱸尚未眠呼童爲我尋伯雅撐  
向江頭伴漁者都將磊塊瀉胸中綠蟻黃柑我獨把莫問  
他鄉與故林得開顏處卽披襟欲邀屈宋爲賓主且復聊  
爲澤畔吟

冬月望日同夏大夏楊漢哲洪漢章夏清字諸子劇  
談時余將之都詩以誌別兼示惠印可

北風獵獵偃霜枝復閣開筵此一時數載難逢今夕話諸  
君堪與古人期杜陵窮得詩無敵李白狂因酒不羈自此  
萍踪應莫定燕山楚水繫情思

過恨這關次惠印可韻

平生不憚路行難今日何來恨這關曉露猶滋盤磴滑春  
雲還護剝苔斑路逢仄處捫蘿上橋度危時得樹攀險阻  
由來懷敬畏敢云抱痛此溪山

遂平植雪



詩懷堂詩集 卷之四 二十  
楚江往復怯長征六出花飛滿豫城四望都將山面合一  
溪惟剩水痕清灞橋詩思梅邊得剡曲酣情月畔生何處  
堪尋高士跡漫披鶴氅縱孤行

再過宜溝驛曉發懷古

客舍支離夜漏殘黎明又促上征鞍太行係望惟樵徑淇  
水怡情只釣竿衛武猶傳乘輦道周郎空記泊舟灘宿醒  
未解還疑夢一路荒鷄破曉寒

咏懷

流滯江城兩月餘旅懷無計可消除閒尋老衲論生滅行  
探遺踪問卷舒曲澗寒泉聲斷續高窓古樹影扶疎年來

興味因愁減魂夢難忘是著書

曉寒

曙色侵窓白簷霜尚未消偎爐甘寂寞抱膝怯歌謠露氣  
冰仙掌風威鏃錦貂綈袍非所望沽酒藉堪招

簡謝蔣玉淵

老泉廿七攻書籍余愧三旬學苦吟敢謂烟雲供綵筆聊  
寄閒心淋漓遠寄西崑體豁達初聞正始音自是  
陽春原寡和却愁擊缶混鳴琴

賦示惠印可兼誌別

偶來江漢識君豪愧我風塵已二毛自是淮陰堅壁壘何



如供奉賜宮袍累篇寄慨秋鴻遠斗酒追歡夜月高分手  
河梁無限意廻舟常憶廣陵濤

歲暮歸來期與鄧公遜晤談已先期返權賦此寄之  
襍被還茅舍憐君先我行孤蹤栖薄海殘歲度荒城滿擬  
愁懷減翻多別緒縈八行仍寄意詩酒是前程

與友人話舊

十載江湖鬢已霜相逢舊雨話連床積來衷曲詩成帙瀉  
去離愁酒滿觴事悔從前悲智短行經此後識途長却憐  
情竭因知己促膝更深興愈狂

壬戌除夕

每逢改歲輒增愁漸次霜華欲上頭依舊綸竿煩料理明  
朝還過鷺鷥洲

其二

歲改嚴寒尚未休六花飄滿謝家樓欲從南郭尋春去一  
點梅花也破愁

其三

臘盡今宵薦栢酒春來明日頌椒盤急須點檢登山屐不  
待鶯花且縱觀

癸亥元旦

遂城佳氣入江春獻節欣聞簫鼓陳當戶河山千古勝到



簾烟景一時新風雷常護青雲客歲月徒催白髮人又見  
年華從此始屠蘇莫厭勸頻頻

送大兄覲還楚任

一別三年久還家兩月餘旬宣昭 帝澤雨露灑征車爰  
勸離亭酒頻傳驛使書雲鴻天路迴奮翼欲何如

其二

斗柄方東轉吾兄又楚遊江湖添氣色鴻雁助離憂王事  
賢勞任鄉心愁苦收臨岐一回首星月滿汀洲

寄贈郢城羅魯峰

久播聲名徹 帝都琴尊到處集鴻儒騷壇楚國佳公子

俠市高陽舊酒徒挈伴看雲黃鶴迴披襟對月玉山孤晴  
川時濡生花筆賦比禰衡致不殊

送武原翁郡丞覲還黃州

西冷風雅久曾聞鸚鵡洲前始識君分郡地同蘇學士論  
才詩比沈休文雲隨熊軾三千里春拜龍墀五色雲袖裡  
天香應更滿携來楚澤見氤氳

其二

伯氏行歸黃鶴樓曾知司馬出神州青雲待曳星辰履赤  
壁重迎書畫舟月皎北軒懷趙璧霜清南浦憶吳鉤臨臯  
亭畔垂垂柳猶憶前秋繫紫騮



送惠印可還武昌

送君頻把酒莫以醉爲辭不憚吳江遠寧愁楚水遲客心  
霜兩鬢別恨柳千絲難盡河橋意殷勤定後期

再送

那堪攀栢慟荒丘深感纏綿十日留此去楚天仍萬里卽  
看明月又三秋征帆近指桃源路客思遙飛黃鶴樓到日  
定當迴雁後帛書好寄慰離愁

偶賦

總無劉寵一文錢書畫移來就米船病後但憑詩度日愁  
來還仗酒爲年蕭曹勛業非無意蘇柳文章自有傳却笑

浮生多少事看花獨立夕陽邊



耕露草自序

畊之爲言勤也不植將落弗種胡獲敢勿勤乎露之爲言  
蚤也春能幾度時不再來敢勿蚤乎晨星猶爛陌草凝寒  
婦兮牽牛男兮負耒一鞭甫驚歌聲旋慰縱橫其畝千萬  
斯倉孰不曰此農家者流爾盈爾寧從勤苦早夜中來也  
矧夫道德爲田詩書爲圃培植根本耘去奇袤日征月邁  
積厚流光此豈怠惰因循之所可望哉余賦質弱而才復  
鈍髫年失學懼成荒廢勉托吟咏冀奮新畬大有愧於畊  
露者之勤且早也而顧取名於斯者或亦欲如老牯拽犁  
不勤聞鞭聲而竭蹶努力焉未知可邀老農家一笑否







詩林堂詩集 卷之五  
登伊祁山

秋日待王先生同鄧公遴李官黃過九水訪趙處士  
因遊五雲泉和幻也禪師壁間韻

出山

龍見洞

山行

昭陽庵

洪山二首

題富有村壁

題張村壁

遊清虛觀和五公先生韻

贈復陽鍊師用五公先生遊清虛觀韻

和劉靜修先生遊洪山原韻

遊洪山二首

觀音亭

羅漢峰

送五公先生暨鄧公遴先歸

秋日山居偶興

贈君榮李秀士

山村卽事

送王友還都

卽事

送周杲如還都

月下聞砧

中秋憶友

閨情二首

步公遴偶感韻

重陽前一日憶五公先生

九日苦無花

郭夫人挽章二首

和五公先生小齋卽事韻



偶題

望伊祁山拜堯母墓

過曲逆侯墓

弔鐵丘先生

咏雪

無題

冬夜偶題

足疾

賦贈和公

哭處士趙受繩

輓宋孺人

輓李處士四却子

贈杜孟南

偶興

蕭恭人節壽

贈馬開一

偶興二首

冬日漫興二首

寄夏青字

陶文治自浙過訪漫成

五公先生病後以詩見示次韻

贈王曙光

讀史

贈朱秀才

壽五公先生

立春日齋頭同文治小酌卽席限韻得寬字

長至同張予先李朴園二明府讌集漫成

祭竈

或告有能詩女欲歸能詩者戲爲一絕

無題

歲暮有懷李聖用

寄毘陵蔣玉淵

咏懷



癸亥除夕二首

甲子元旦

旅店偶題

正月六日同家兄季弟及兩姪小酌

讀史四首

水中雁字平聲三十韻

課慎堂詩集卷之五

耕露草

銀城李興祖廣寧著

受業陶

岐文治

校

古黥王

楫汾仲定

男

鰲又白

夏日同申之王先生過周浚明宅下榻

為愛濂溪舊講堂清池綠樹碧筒香能來結隱墻東客不厭交歡鄴下狂憂喜無關從失馬張弛有主任驅羊飄然乘興堪終夕剪燭花陰坐夜長

牛女

牛女何曾淚不乾一年一度慶交歡千秋萬歲長如此豈



比人間離合看

呈申之王先生

芰荷香撲振衣時，樹幟騷壇獨拾遺。  
曾識芳洲擗夕秀，還聞茂苑折春枝。  
風塵眼底成千里，兄弟天涯共一卮。  
奇字異書煩指授，斯文重幸起衰靡。

蠅

溽暑煩蒸夢亦愁，營營終日逐人稠。  
頻餐汗血何知厭，亂玷瓊筵未肯休。  
杜老詩如傳律令，歐公賦似定謀猷。  
幾思投筆尋王子，拔劍驅除不一留。

題紫陽真人朝陽洞

巖窈削壁擬崆峒，古木陰森一徑通。  
鳥語何因分曉夜，鐘聲常自間泉風。  
羣峯拱翠寒殘照，片石流清瀉亂叢。  
遺跡宛然人不見，應知鶴駕在遼東。

立秋

長夏旋消萬木疎，俄聞一葉下庭除。  
西來爽氣開巘岫，東啓晨光徹里閭。  
宋玉悲來應作賦，蘇卿興劇但攤書。  
有秋自昔稱良稼，應卜明年絲粒餘。

同申之王先生暨公遜官黃登法華巘訪一心上人  
層巒疊嶂路頻分，選勝仍須隱遯群。  
嵌穴幽花深窈窕，栖雲古洞杳氤氳。  
僧如惠遠龍生鉢，客似陳思鳳吐文。  
到此



言慎堂詩集 卷之五 二  
宦情偏覺冷枕流漱石謝塵氛

偶題

踈踈岸上迎秋樹歷歷巖前傲歲松一片白雲孤岫出夕陽山外幾聲鐘

山家

信是山家好開門對綠蘋庭因峰作障屋傍水爲隣來往賓朋簡縱橫田畝新林泉風景異戀賞頓忘貧

贈一心上人

鐵甲銷金磬龍精變雁王心空無物我骨勁只風霜老栢森靈境新苔印講堂雪山何處是此地足開荒

雜咏

花亭呼酒煩鶯語柳陌尋春信馬蹄一望川原新草綠數家橫在小橋西

賦得今夜洞中眠

看花已過幾泉林似入桃源路漸深豁我塵襟纔一宿都忘昨日未抽簪

重遊法華巖宿巖內

緩緩扶筇入翠微重來此處叩巖扉石房茶竈烟還淨雲徑花欄露未晞秋草迷離迎客屐晚霞濃淡補僧衣法華渾是游仙地熟却黃梁不忍歸



言慎堂詩集 卷之五十三 夜編  
登伊祁山

直摩碧漢領諸峰雜奏笙簧萬壑松羈宦那能常嘯傲尋  
真却幸此從容坐來洞口苔花冷看去溪頭樹色穠剛許  
風光攄夙抱夕陽又報一聲鐘

秋日侍王先生同鄧公遜李官黃過九水訪趙處士  
因遊五雲泉和幻也禪師壁間韻

爲訪名泉結勝遊特尋老衲問源頭閒雲常伴青山暮古  
木高懸碧漢秋看竹題詩分貝葉引泉淪茗對沙鷗花蹊  
草徑尋偏遠每聽疎鐘感去留

出山

破霧穿雲快此行青青春草馬前生石潭儘有魚龍氣蘿  
壁還饒鳥雀聲

龍見洞

絕頂雲栖遠俗塵月明洞口認前身石門長掩春蘿綠縱  
有桃花不惹人

山行

滿目山花稱野心穿雲衝雨過高林牧兒牛背蓑衣濕一  
笛橫吹烟樹深

昭陽庵

羅浮精舍創何年白袷青巾問夙緣花謝花開忘歲月肯



將丘壑讓神仙

洪山有引

余聞葛洪山名久矣每欲一遊未果考諸史葛稚川因交趾有丹砂請爲勾漏令路過廣州刺史鄧攸留居羅浮踪跡固未及燕趙况此山原名洪水經注云滄水東流入洪山是在昔已有定名道士劉得仁謬以洪爲葛洪遂相沿不察豈山靈真面目哉癸亥孟夏過九水訪受繩趙處士坐談良久出洪山詩序見示因成小詠以釋前謬

洪山曠代失真名幸有幽人擬實評不是當年稽古力稚

川踪跡竟誰明

其二

葛洪爲令原勾漏伯道相留住粵山都說丹成騎鶴去誰知却粒在燕關

題富有村壁

策蹇尋幽境問奇過野村山花迎客笑幾誤認平原

題張村壁

疊嶂爲屏石作隣新青老綠滿河濱可知光祿工詞賦不信村醪不醉人

遊清虛觀和五公先生韻



數載心期快此行聯鑣紆曲歷崢嶸遊人自選幽閒地不  
俟山靈戴帽迎

贈復陽鍊師用五公先生遊清虛韻

閒來携杖過清虛水繞山環紫府居靜倚高松看鶴睡空  
青積翠滿衣裾

和劉靜修先生遊洪山原韻

青葱滿目愜山遊木落唐川萬壑秋寶像神龕光不定葛  
洪姓氏是誰留

遊洪山

嶺外遊人惜落紅溪邊垂柳舞春風唐山一片娟娟月纔

照村西又屋東

其二

亂雲堆裏響松濤乘興登臨不覺勞回首洪山鐘磬遠夕

陽斜掛一峰高

觀音亭

大士像唐  
吳道子畫

大士誰曾見相傳泛海來珠亭饒古跡瞻企一徘徊

羅漢峯

丹碧凌霄漢崢嶸尊者形俯觀點頭輩羅列聽談經

送五公先生暨鄧公遴先歸

連朝杖履快從遊說到分携不少留後夜月明應悵望清



樽獨把幾懸眸

秋日山居偶興

高秋涼露曉凌侵頭鬢蒼蒼老藝林僧衲是湯還索寞儒  
冠非楚亦蕭森閒來習靜巖花笑悟到忘機谷鳥欣無可  
寄將名利客烟霞搜盡入狂吟

贈君榮李秀士

茅舍勤修課清齋樂野居堂懸徐孺榻架滿鄴侯書雲葉  
供詩料山花作酒儲莫言貴賤異我亦世情疎

山村卽事

蔬園草閣建溪春豆莢瓜蕾聚比隣杯酒支頤談往事黃

鷄紫蟹味全真

送王友還都

知君氣誼薄雲天肯向田間老歲年况值燕臺求駿急前  
途好着祖生鞭

卽事

西風吹雁下汀洲碧草黃花艷素秋偶過林泉幽興劇漫  
將醉筆掃墻頭

送周杲如還都

曉騎駸駸望帝都野橋荒店幾踟躕臨歧無限憑樽酒  
好自矜憐待價沽



月下聞砧

風清霜杵夜悠悠兀坐聽來月滿樓無限深閨離別思一聲聲入隴山秋

中秋憶友

蹉跎歲月只林丘滿握明珠何處投珍重金風遙問訊一行高雁帶邊秋

閨情

關心最是曉鐘聲半似朦朧半似明欲遡赤繩牽足事忽驚紅葉斷腸情

其二

雁來燕往兩悠悠紅葉黃花映小樓無那風霜侵枕簟憑將刀尺抵更籌

步公遜偶感韻

遶砌蛩音入耳清奇書讀罷下堦行竹扉靜掩梧桐月一榻花香對短擎

重陽前一日憶五公先生

高秋飛急雨短榻怯淒風石徑新苔合松窓舊業空典型徒有夢操切愧無功飛翰遙相示如親杖履同

九日苦無花

去年今日鄂城時今日淒涼繫夢思霜色驚添新客鬢風



騷笑剩老吟髭頻斟自瀉陶潛酒滿插空懷杜牧詩漫道  
鶴林饒盛事東籬寂寞負花期

郭夫人輓章

秀毓林宗族于歸太史門夫人階自重女史德猶尊埋鏡  
悲泉魄懸旌招柳魂夜臺光不掩千歲薦蘋蘩

其二

蒿里傷心地淒涼魂魄歸鸞音不可望鳳采忽驚非臺冷  
瓊簫寂庭虛玉燭微陰風鳴曠野孤塚白雲飛

和五公先生小齋卽事韻

掃盡浮雲月始明壁完還復重連城君心自有傳燈在百

丈秋潭徹底清

偶題

青尊白髮獨相看膏盡脂殘心亦寒莫向道人頻問訊年  
來不用九還丹

偶興

漫言李白是詩神房琯何妨作後身一徑無塵松樹古且  
傾綠蟻看龍鱗

登伊祁山拜堯母墓

想見陶唐肇嗣時山名不改舊伊祁光昭帝德由坤教沕  
穆民風自母儀原草蠟花供俎豆淵魚林鳥薦牲犧土型



茅茨荒烟裏匹馬斜陽有所思

過曲逆侯墓

當年茅土報勲猷千載猶憐剩一丘  
亾命兩經遭自異奇謀六出績稱尤  
嬖徒用譖終誅呂勃獲交歡始復劉  
尸牖未幾還曲逆爭誇遺事兩封侯

弔鐵丘先生

飲羽雄心不世才英風一旦沒蒿萊  
鐵丘坏土千年恨誰挽天邊日馭回

咏雪

竟日風威透體寒漫空徧野盡琅玕  
野梅不肯輸情憫林

鳥何從展羽翰影入漆園迷粉蝶  
光凝閬苑奮翔鸞豐年瑞自誇盈尺  
可念蓬茅釜久乾

無題

整袂時還露肘消愁惟賴紅友殊  
看面目寒心那得肌膚煖手

冬夜偶題

老屋當空迫歲除瓦盆土簋費躊躇  
貧居只合席爲戶門外猶煩長者車

足疾

淵明幸有籃輿在蒟醬枯藤足可持  
行路難今在庭宇相



看咫尺亦遲遲

賦贈和公

羨君聲價重連城大器由來屬晚成  
好是瓜畦與菜圃家常握手話生平

哭處士趙受繩

先生雖長往松栢未曾凋孝義千秋重  
詞華一代饒白衣歸舊主青史著前朝  
趙氏誰羹飯鄉祠自不祧

輓宋孺人

上谷稱名族蠡吾美女才忽驚鸞鏡隻  
怕聽鳳笙哀曙月明泉路寒風吹夜臺  
那堪萬里曲惆悵婺星頽

輓李處士四却子

畢世惟忠孝怡情在墨莊牙籤留舊業  
班管襲遺芳空對三花樹徒餘一草堂  
盈庭來弔客揮淚奠椒漿

贈杜孟南

烹雲煮雪欵佳賓綠酒紅燈意更親  
近喜飛卿多錦句相傳許瑾有花茵  
趨庭奕葉經爲訓累世通家德作隣  
莫把烏絲傳別緒從容好共泛天津

偶興

歷亂花香卧閣深還看斜月過疎林  
紅燈低映烏皮几永夜新詩次第吟



蕭恭人節壽

寒月中天潔貞風百里翔曾將冰蘂味併作薺茶香栢勵  
平生志熊和後起良萱帷萊舞日霞錦煥褒章

贈馬開一

竹榻茅齋忽枉臨清宵濁酒話情深敢云勝集推荀羨為  
具雄才識杜欽遠左久傳懷白璧薊門今見散黃金憐君  
意氣傾朱郭惆悵燕臺苦自吟

偶興

杜甫緣詩稱聖劉伶以酒為仙為憐白雪歌好頻把青藜  
自燃

其二

莫道功膺紫綬休誇寵溢龍綃終朝不離鞍馬一旦髀中  
肉消

冬日漫興

玉龍百萬舞交加獨倚虛窓放眼賒劍煥文犀驃騎帳書  
藏武庫鄴侯家歸田興致惟陶柳遯世生涯只邵瓜莫笑  
介山嗟宦薄抽簪且復種胡麻

其二

二十年來一草亭常期皓首得窮經魚箋風靜披吳練筆  
塚天寒寫楚萍塞外風烟疲戍卒關中霜雪苦租丁傷心



談慎堂詩集 卷之五十二  
世事推遷屢却憶當年揚鐵星

寄夏青字

一自山中理釣蓑逢人但詠五噫歌爭知玉案來紅友未  
許金貂換綠蘿屋只白雲秋共卧窓惟明月夜相過猶虞  
詞賦名難掩不放元卿老澗阿

陶文治自浙過訪漫成

別來巴月幾回圓今日重臨事事遷爲愛山川多着屐豈  
因風木不停鞭行經春閣驚花老坐對秋窓伴柳眠且把  
蟻樽舒別思莫嫌張米故癡顛

五公先生病後以詩見示次韻

管寧十載留東海一榻磨穿爲避名年近八旬神愈王還  
將經業授門生

贈王曙光

避俗衡門無雜賓獻陵客至意津津談因捫蝨常驚座書  
到籠鷲自入神殘雪凝寒當暮歲初梅放煖報陽春前途  
珍重逢交好莫易悲歌易水濱

讀史

寶典琅函奕代傳穀桑儆戒事昭然妖祥不勝媵修力三  
復巫咸紀異篇

贈朱秀才



閉門久謝軟紅香  
偶遇英豪話倍長  
氣駕荆高懷七筑  
名齊盧駱富縹緗  
錦雲冉冉臨書案  
玉屑霏霏落筆牀  
不是彥明裁麗句  
誰知玉質與金相

壽五公先生

霞滿山城月滿梁  
此中有客茹元霜  
閒觀劍氣騰牛斗  
靜理琴聲度鳳皇  
河注詞源開九曲  
花傳筆彩著三長  
孤懷更在層霄上  
海屋雲房是舊鄉

立春日齋頭同文治小酌卽席限韻得寬字

改歲猶然卧六安  
同人杯酒共追歡  
西山雪霽春方動  
東院梅花開已殘  
破凍幽蘭青錦檻  
應時芳艸白雕盤  
好音

屈指虹橋近  
准擬燈宵客抱寬

文治久未接家信用末句慰之

長至同張予先李朴園二明府讌集漫成

東閣德星聚南園  
綺席開清尊  
浮竹葉玉管動  
葭灰廷尉多  
王畧鄴侯豈  
吏才諸君當代傑  
莫應歲華催

祭竈

閉戶齋心勝洞天  
時當五祀薦芳筵  
香焚老屋梅花下  
無是無非又一年

或告有能詩女欲歸能詩者戲爲一絕

漢苑名花近玉樓  
明珠只合錦囊收  
謫仙漫擬催粧曲  
猶喜明妃一點頭



無題

四知嚴暗室三畏凜儒生多少關情事啣杯對短檠

歲暮有懷李聖用

春遊無伴獨逍遙感慨同人未可招霜月一輪催臘午寒  
星幾點綴晴宵青山結夢歸何晚白髮多情歲更饒聞道  
溪村梅信早期君重過綠楊橋

寄毘陵蔣玉淵

筆鋒墨陣儘風流碧水青山恣勝遊鸚鵡洲前無韻客桃  
花洞口有漁舟握中白雪翻銀海袖裏青霜走玉虬東閣  
競傳春色早知君高唱醉江樓

咏懷

良遊不惜解金貂漫擬騷情賦大招不覺淋漓春澗曲遠  
通石溜灌靈苗

癸亥除夕

廿載勤王事三年詩酒場何須報除歲梅信自傳香

其二

三  
仍轉少微夜更明攤書延暮景看劍賀昇平

甲子元旦

紀歲初占曙色開瑞雲冉冉下蓬萊辛盤早獻椒花頌松  
醞頻浮柏葉杯劍匣書囊堪傲岸筆床茶竈肆徘徊故人



欲擬陽春曲只道今無宋玉才

旅店偶題

嵐光四面接晴光旅肆何妨醉一場欲效畢公槽畔睡隔  
隣未必是阿郎

病中偶題

狂笑狂呼得自雄從來不肯說途窮梁鴻五噫曾深誦天  
下何人似敬通

正月六日同家兄季弟及兩姪小酌

酒果家常興倍賒人稱玉樹恁多花仙根自是無凡葉若  
個題詩籠碧紗

讀史四首

一璧連城價不倫敢將爨竇啟強秦完歸待命非無計要  
見邯鄲尚有人

其二

何處桃花不是春相如才調恐非真白頭吟在文君寡却  
賦長門為別人

其三

古賢道義重相扶敬仲分金亦自污假不當年逢鮑叔幾  
何能免話頑夫

其四



元戎威勢絕當時。子美公然藐視之。縱使虎鬚人敢捋。何人敢喚挺之兒。

○水中雁字平聲三十韻

一東

濤箋如碧淨涵空。濡墨揮翰筆筆工。羽翼六經憑展轉。淵源一畫破鴻濛。紛紜蚪蚪寒驚陣。飛舞龍蛇浪起風。疑是九天傳鳳詔。遂令四海慶文同。

二冬

羲文演卦類相從。天一生來重複重。伊洛弟兄宜理數。圖書先後做龜龍。家分奇偶皆成坎。鱗次中偏總是鋒。湖海

來賓投刺急。元機洩盡不曾封。

三江

漫誇墨沼與文江。羽檄傳來薄海降。自有鴻儒開景運。可無鳥篆載名邦。射書鵬鏃鋒偏直。鈎帖鷺池影更雙。慚愧江淹花入夢。飛飛夜半下書窓。

四支

雋雅清新

銜蘆恰恰渡江湄。誰謂斯文不在茲。寫向風雲添以勢。情因漂泊見乎詞。洛神賦就應爭誦。鴻寶書成更費思。影入蘆花疑曳白。哀鳴方覺恨流離。

五微

莊水字句六工鍊



排空勢若縱毫揮。點畫平波見筆機。行直浪誇饒柳骨。陣  
橫浸假似鍾肥。竹連宥浦青常汗。雪滿江天白亦飛。却惜  
雲遮濤更湧。年年較定是還非。

六魚

衝雲度月望徐徐。前後縱橫寫太虛。但就長箋摹漢篆。不  
將尺素寄河魚。隨風帶雨純行體。映藻迴瀾間草書。零落  
兩三投晚渚。酈家遺注盡銜餘。

七虞

不逐家雞與野鳧。居然灑墨滿江湖。疑投渭水逃秦焰。若  
弔沙場寫陣圖。羣向天潢迎振鷺。齊飛河漢約填烏。每年

絕筆衡陽浦。回首烟波憶結蒲。

八齊

非比塗東與抹西。鶴汀鳧渚盡情題。人行不避錢塘怒。一  
扎如憑柳毅齋。詞吐淋漓旋削稿。書從湮沒不災梨。猶憐  
染翰多經慣。畫徧平沙更印泥。

九佳

誰將書札寄江淮。應候隨陽定不乖。持節人知蘇武信。來  
禽帖註道元齋。劍娘舞向無塵鏡。河伯神傳折股釵。好是  
鴻猷天紀錄。百川四瀆盡柔懷。

十灰

詩義麗詞觸手  
紛來



畫辭藻句意出  
不竭

詞。慎。堂。詩。集。卷。之。五。十。八。  
縱。經。秦。火。不。曾。灰。依。舊。揮。翰。破。浪。來。偶。映。荇。絲。疑。草。創。忽。  
消。雲。影。似。函。開。題。名。塔。造。清。波。上。潤。筆。鷺。籠。碧。漢。迴。應。自。  
娥。江。暮。塌。久。洛。橋。倚。柱。羨。鴻。才。

十一真

歷。盡。青。蘋。與。白。蘋。濡。毫。灑。墨。自。津。津。波。澄。乍。起。中。鋒。見。浦。  
遠。高。翔。楷。體。真。白。派。俱。經。惟。做。古。一。詞。莫。贊。但。書。人。洞。庭。  
南。下。迴。峰。近。全。部。春。秋。至。獲。麟。

十二文

霧。淨。塵。消。望。不。分。水。天。一。色。見。鴻。文。縱。橫。忽。變。龍。蛇。體。著。  
述。先。呈。鴈。鷺。羣。滾。滾。秋。濤。生。翰。墨。翩。翩。書。記。湧。波。紋。試。看。

如此雖題而實思高  
句原見疊出想見  
其暖句便

鳥篆澄波上。如寫羊欣白練裙。

十三元

幾。行。影。度。浪。消。痕。點。畫。分。明。帖。意。存。哀。澤。有。聲。皆。叶。韻。懷。  
沙。無。句。不。招。魂。全。將。八。法。摹。江。永。單。用。雙。鈎。塌。涇。渾。運。海。  
倘。舒。投。筆。志。會。看。奮。翼。過。龍。門。

十四寒

天。清。陣。朗。不。驚。寒。歷。盡。詞。源。眼。界。寬。隨。在。風。波。行。不。亂。任。  
從。洗。滌。墨。長。乾。紀。雲。紀。鳥。從。渾。沌。銘。海。銘。江。藉。羽。翰。莫。笑。  
耽。書。終。落。泊。鴻。儀。還。待。舉。頭。看。

十五刪



題徧烟波未肯閒。擬藏巨浪當名山。書人只按春秋筆。問道曾窺洙泗間。註欲流傳先作序。文防浩瀚後常刪。天教信史開清濁。不涉分毫名利關。

一先

由來書記本翩翩。月皎霜清印萬川。危宿星文通大海。躍魚詩句屬飛鳶。迴翔晚宕疑磨硯。低度晴灘宛拂箋。欲獻凌雲愁踟躕。轉求龍伯代呈天。

二蕭

蘆瀟蓼淡冷蕭蕭。細吮毫端欲白描。壁恐羽沉將拆路。擔依序渡不爭樵。淡濃墨潑高低浪。來去痕移進退潮。湖海

休猜多贗本。鴻名久已徹雲霄。

三肴

渙渙成文詎混淆。細將鴻漸逐行鈔。出羣別派渾加點。交陣中流漫畫爻。碑浸夜江勞摸索。僧臨月戶費推敲。雖雖好是吟冰泮。按本哦來牙不聾。

四豪

摩雲塞鳥幾行高。影入平津儼濡毫。不用毛錐需兔穎。但將羽檄試龍韜。拜風浪欲訛三豕。鳴澤哀堪著一騷。却笑塗鴉空自苦。纔經揮翰壓時髦。

五歌

不雅亦思百出  
詩義不窮宜  
句一奇於數服

異想天詞

異想天詞



手想劍

此就直想可也  
二工鍾極矣

安能操筆寫江河。恰見飛鴻陣陣過。學衛夫人還對鏡。誌曹孝女亦沉波。驚浮鳥甲疑呈硯。魚認迴文競擲梭。繫足路遙防漫滅。時將影本費研磨。

六麻

平安誰個報天涯。墨蹟行行浪滾沙。藻荇牽風文織錦。荻蘆映月筆生花。龍門題去雖非鳳。蝸壁塗來豈是鴉。擬就河渠書一卷。欲隨羔雉贄王家。

七陽

抹月批風處處翔。遺文上下費裝潢。揮毫頓折皆翻浪。潑墨淋漓各按行。寫向陽侯當彩幣。書呈屈子補騷章。無愁

漶漫難收拾。自有淮南枕內藏。

八庚

鳥官紀載六書成。海甸流傳教化明。雅雅魚魚皆假借。噉噉瀲瀲總諧聲。八分浪疊知倫次。一畫波消見太平。信是羽儀光上國。懿文渙汗象風行。

九青

管有形名史號青。鴻裁爛映碧波渟。璧文銀漢從危宿。鳥篆青雲註海經。濂洛汪洋皆染翰。盤盪清淺亦留銘。傳奇不待侯芭問。嘹唳逢人讀與聽。

十蒸

無亦不搜死謂  
意與音美是也



禹門飛躍報書升。成化人文邁結繩。緣壁長箋堪笑蚪。點  
波小楷自殊蠅。囊螢照去疑沙鳥。映雪看來識泮冰。徧滿  
河沙到彼岸。更如重譯註三乘。

十一尤

鴻名原自屬儒流。尺牘連連寫素秋。淮國偏為藏秘枕。洪  
喬不作寄書郵。衍文重過青鳧渚。斷簡中分白鷺洲。細看  
直行兼曲陣。真成鐵畫與銀鈎。

十二侵

石鼓無聲浪沒深。濟濱新帖見來禽。何須派別分南北。定  
識書同貫古今。波動函開文似錦。沙明楮素墨如金。獨憐

身隱文焉用。湖海冥冥不可尋。

十三覃

編成綱鑑印澄潭。刀筆何容孟浪勘。河鯉順傳魚剖二。江  
豚逆拜豕訛三。鵠行主簿纔通籍。鶴陣分符又啓函。淵博  
自能歸一貫。九流毫末任從探。

十四鹽

解識鴻飛亦類潛。何疑波面理牙籤。流傳各體毫須辨。涉  
獵羣書墨不霑。吞浪已知邊腹果。安瀾尤顯弼頭尖。桃花  
任湧雷聲震。破柱無驚管只拈。

十五咸

句。切音明。美。樂。  
一。法。詞。略。多。

奇



雖如題鳳鳥非凡。露布懸河風一帆。昭瘦清描烟亦飽。顏  
筋沉着句何饒。蘸盆癩老頭侵墨。濡筆狂僧背袒衫。戰藝  
不隨穀洛闢。征鴻原畏謗盈函。

三十希但有格有句不待言矣最難者如此題而亦

思創義觸緒紛披如風波泉湧深語盡詞北事即是此中

新日率自以才高八斗學富五車安能道其佳字其石勝

壇名亦無疑

釣月草自序

詩文寄托每在有意無意間其領會乃能不窮碧波萬頃  
皓魄盈輪清印虛涵是一是二豈必索解人贅語哉而况  
秋風一笠孤艇臨磯長線曲鈎牽引上下清光動蕩若吐  
若吞得魚乎不得魚乎雖磻溪父老淮陰少年有未易言  
說者余於文既率意而嗜詩復不能工然觸物抒情隨境  
託寄有意無意不自解也時時欲訪烟波叟取証垂綸不  
在魚之句而三復之



課慎堂詩集卷之六

釣月草目錄

早春送陶文治之江寧幕

哭五公先生二律

紅白梅次杜孟南韻

春日同杜孟南陳子玉艾同籌郊遊卽事二首

仲春同蒲陽大兄及諸友再登伊祁

卜居渥水

春日同馬開一放棹霞城別墅

贈友

代輓五公先生五首

和霞城郊遊韻



暮春友人見贈紫牡丹一枝因賦紀之

送春

初夏入渥尋蓮舫

久旱

夏日過玉輪上人禪院

雨中移竹

雨中友人邀集弱香亭觀魚同張子先杜子孟南艾同

籌戴奇伯暨霞城

有懷

七月二日同徐基聖高靖公蓋公家元公琳公昆季

蓮舫送孟南則古姪霞城應試京兆

感懷

容城逢江南僧

獨步竹徑

贈鶚立上人

寄杜孟南

秋海棠

陽月寓天宮寺同李聖用鄧公遴隆庵上人小酌分

賦得禪字

劉襄哉喜予過舊治賦詩見贈率爾和答

冬日高二秀才招飲途次遇雪馬上口占

天宮寺同鄧建三劉襄哉李聖用鄧公遴僧隆庵夜

飲分賦得人字

題僧舍鍾離像

戲贈此廬主人

題此廬爲子揚胡秀才

賦贈隆庵上人

不寐

雪月共話

雪竹



立春前四日微雪憶孟南

寒歲感懷

甲子除夕

乙丑元旦立春

小歲日對酒寄馬開一

正月五日感題二首

人日

初春雜咏

春日晚興

病酒

偶成

夜月

題栖碧軒

春霽

送予先張明府之任鎮原

迎春花

春泛

海棠帶雨

西郊春望

雨後桃花

春雨

清明

春日同陳茂才飲酒

小築初成偶題

南園雅集

俠士

夏日偶步戴奇伯別墅觀竹友人詩見示和之

感懷

栖碧軒初成杜孟南管公式王文甫獻甫昆仲有詩

見贈漫成一律答謝 西山晚翠

偶興

輓傅青主先生

答魏秀才

題美人圖



友人招飲

偶興

夏日太和殿應試歸賦紀其事四律

御試後惠印可自鄂渚以詩見贈賦答

牡丹

答魏蓮六

九日二首

呈少宰又弓胡先生

冬日將赴東魯任留別朴園李明府

惠印可由鄂城以書見寄兼得武陵信賦答

友人楊漢哲由楚之沛有書見寄賦答兼懷鄧公遴

水仙二絕

課慎堂詩集卷之六

釣月草

銀城李興祖廣寧著

受業陶

岐文治

古黟王楫汾仲定

男

鰲又白

校

早春送陶文治之江寧幕

方憐把袂無多日忽促驪駒趁曉行慢折垂楊牽別思但  
看芳草動離情水分吳楚如天遠帆掛淮揚若葉輕此去  
雞林應紙貴好收名勝建康城

哭五公先生

曾記紅紗識馬初開忱不惜檢藏書德標星嶽瞻高朗筆



詩懷堂詩集 卷之六 初編  
簇雲霞任卷舒豈料春風時雨地竟成揮淚斷魂廬當年  
藻鑑今猶在回首松楸慟素車

其二

尚憶清宵指顧頻緒言微論見精神素風一代尊名宿青  
史千年著隱淪文獻無徵悲李世蒸嘗有嗣繼前人夢中  
彷彿親容止醒後翻疑訃未真

紅白梅次杜孟南韻

不分香味却分妍濯月披霞相映鮮豈是江妃多醉態粉  
姿紅暈並堪憐

春日同杜孟南陳子玉艾同籌郊遊卽事

乘春邀侶伴連轡度清溪臉嫩桃初發眉纖柳未齊鶯遷  
來遠谷蝶舞過長堤村酒堪舒抱無妨醉似泥

其二

野外饒清况傳杯對綠蘋水晴魚戲藻林僻鳥窺人歲月  
頭毛變江山眼角新徘徊重定約莫負建溪春

仲春同蒲陽大兄及諸友再登伊祁

招提隱見白雲隈支杖尋踪更幾回窈窕青藤盤磴出巖  
巖翠壁倚天開老僧閒掃千峰月幽院重鋪滿徑苔將訪  
高蹤何處是綠烟紅雨障靈臺

卜居渥水



疎懶只宜耽僻處數椽茅屋水雲鄉披襟散髮衡門下何  
必乘軒與拜章

春日同馬開一放棹霞城別墅

相逢皆舊識卽次有芳筵柳眼窺人媚花魂傍水妍亭開  
對綠野樹密蔭清漣怪底船如步遲遲錦纜牽

贈友

一夕千秋話平生萬卷書途窮聊看劍莫嘆食無魚

代輓五公先生

舊日行吟地今成宿草叢事隨流水去跡逐曉雲空藜閣  
餘殘月芸窓只緒風少微光不見孤塚暮烟蒙

其二

品爲文章重名因道德高交情逾孔李詞藻過劉曹逸韻  
山陽笛孤懷澤畔騷郎峰烟樹冷不禁首重搔

其三

山頽水壞愴懷頻誰繼儀型啓後人幾度問奇情盡吐十  
年同榻誼偏真賞心孰醉花前酒歸興嘗思秋後蓴薤露  
欲歌增涕泗淒淒墓草已成茵

其四

千秋名義雖長在斯世斯人孰與居行路共嗟三尺土講  
堂却掩五車書



其五

新阡片石生秋蘚古樹寒鴉號夜風北里南鄰諸弟子同聲共涕弔王公

和霞城郊遊韻

相邀載酒過金堤射覆藏鈞到醉泥一路溪光與山色歸來不覺夕陽西

暮春友人見贈紫牡丹一枝因賦紀之

飄紅暗綠惜春殘香艷惟存紫牡丹寄語東風休見妬留供醉眼幾宵看

送春

已驚壯志隨時減那禁荒城又送春零落花香還入夢飄殘柳絮更沾塵青山自足容高卧白髮何曾讓後人代謝流光無用惜年年猶喜有芳辰

初夏入渥尋蓮舫

春殘花事總無情一棹東風信去程荷點青錢方出水柳垂金縷已藏鶯閒來謝墅觀碁局倦倚黃壚問酒兵詢是溪橋風景異綠陰深處喚催耕

久旱

旱魃騰炎暑那堪日當午烈風駕火雲入眼皆焦土一邑獨何辜燎原復盡畝既無麥與棉哽咽守乾釜嗷嗷兒女



謝慎堂詩集 卷之六十四  
悲啞啞哭翁婦張皇頻四顧皆云去無所禾黍既莫藝租  
稅復何補再拜問青天豈可長無雨

夏日過玉輪上人禪院

拄杖尋寥廓禪房寂似秋泉寒魚陣散竹靜鳥聲幽磬韻  
穿雲出松濤帶瀑流南宗聊自叩逆旅頓忘憂

雨中移竹

卜築先防暑氣侵琅玕移得擬成林聲隨浙瀝湘妃泣韻  
帶蕭騷龍女吟雨葉橫窓青欲滴烟梢入戶翠逾深未能  
免俗聊分植却憶淇園是夙心

雨中友人邀集弱香亭觀魚同張予先杜孟南艾同

籌戴奇伯暨霞城

霖霖隨飄灑涼颺入院多頰鱗翻細藻黃鳥戲叢柯荷露  
旋珠滴花風曳錦過莫辭杯到手誦倡及顏醅

有懷

竹籬茅屋倚城隈孌娜村花對酒開風掃庾塵遲客至林  
泉曾見幾人來

七月二日同徐基聖高靖公蓋公家元公琳公昆季

蓮舫送孟南則古姪霞城應試京兆

萬畦秔稔擁山村放棹中流瀉別樽方過竹坡看鳳尾還  
隨桃浪度龍門調羹計日嘗金鼎簪筆瞻天步玉垣此去



春風生羽翼雲程九萬恣騰軒

感懷

影轉茆亭月過墻清秋爽籟自傾觴當門柳是淵明種別  
苑花非石氏莊名士從來多意氣驚人豈僅在文章途窮  
尚有貧交念三徑蓬蒿未許荒

容城逢江南僧

苾鞋破衲水雲龕風月山河一擔擔直北孤蹤還未發對  
人猶唱望江南

獨步竹徑

不覺年光駛淒然萬事非閒觀新竹去獨袖月明歸

贈鶚立上人

溪山互遶樹交陰高寄何從問好音貝葉披殘紅雨散曇  
花開徧碧雲沉僧徒有戒晨餐潔禽鳥無聲午定深肯向  
人間求道侶閒時卓錫一相尋

寄杜孟南

別來秋思苦離怨托新詩爲問青雲客歸程在幾時

秋海棠

遙分霞彩抹秋光小盞盈盈映粉墻韻似太真初起浴態  
如西子未勻粧多情恐惹深宮妬太艷疑欺上苑芳爲語  
嬋娟須愛惜好同桂影泛霞觴



陽月寓天宮寺同李聖用鄧公遜隆庵上人小酌分

賦得禪字

卽次開樽精舍邊青燈共對話離筵茶槍影射三株樹酒  
陣機叅一指禪人到荒城悲鳳尾月留低閣護龍涎春宵  
饒有溪山興坐對松筠醉不眠

劉襄哉喜予過舊治賦詩見贈率爾和答

立馬寒雲鬱未開杜陵乘興入秋來故人青玉真宜念上  
國黃金莫見猜南浦春深仍嘯咏河陽花在幾徘徊知君  
卧閣橙香美翻憶當年共舉杯

冬二日高二秀才招飲途次遇雪馬上口號

瑤圃花飛滿剡溪同雲密布遠天迷却思灞水騎驢客折  
得梅花款款題

天宮寺同鄧建三劉襄哉李聖用鄧公遜僧隆庵夜

飲分賦得人字

寄跡招提內相逢盡故人茶香分淡遠酒味別醅醇屋暖  
松雲護窓明雪月親雄詞與秘藏俱各見天真

題僧舍鍾離像

篋衣塵柄鬢鬢鬆欲就黃梁問遠公仙釋由來同一諦還  
憑道貌悟宗風

戲贈此廬主人



一別鬲津三載餘故人歌嘯尚如初意中池館俱堪記更  
愛幽栖到此廬

題此廬爲子揚胡秀才

更憐斗大一茅堂竹徑花欄薜荔牆茶竈時烹新石火酒  
筒閒貯舊醅香月移隣壁雞聲早雪積堦除樹影涼自是  
衡門無剝啄興來隨意展縹緗

賦贈隆庵上人

仁王閣畔暫隨緣羨爾淋漓筆似椽舊日衣珠還自惜於  
今誰識不言禪

不寐

輾轉不成寐其如感慨何世事頻搔首風光一擲梭愁深  
憐夢少脾弱畏餐多燭燼香烟寂擁衾聽雁過

雪月共話

方憐臨玉樹旋復掛銀盤影轉窓前竹光凝檻畔蘭燭斜  
驚漏永杯疊遣冬寒繾綣三更後聞雞興未闌

雪竹

六出冰花凝鳳尾渾添新粉簇琅玕寒光未易留人眼只  
待山翁踏月看

立春前四日微雪憶孟南

玉叢香破識春來獨坐寒窓藉酒杯却憶牧之詩句好無



讀慎堂詩集  
卷之六十八  
初編  
煩驛使有庭梅

寒夜感懷

賣文供歲月養疴度年殘往事隨雲散新愁借酒寬雪霜  
驚短褐釜豆悵加餐傲骨稜稜在喬松獨耐寒

甲子除夕

廿年宦况笑吾身只有孤琴獨與親冰雪艱難延暮歲鶯  
花容易過芳春庭圍燎火娛賓從架擁殘編笑主人潦倒  
一樽消此夕旋看節序又重新

乙丑元旦立春

冬已殘春來早瑞入豐年見雪飛椒花香薦天初曉剪彩

吹葭憶往年無端鬚髮如霜掃蹉跎四十名未成咄咄書  
空自探討碧栖原欲避紅塵孤松突兀龍鱗老賴有風月  
助清吟壺觴疊勸開懷抱

小歲日對酒寄馬開一

易水卑栖自送窮殘樽餞歲可誰同應知柳意將新綠未  
審花顏似舊紅醉去是非從物議病來消息信天工竹爐  
木榻還堪對可許重臨瀉碧筒

正月五日感題

歲月頻消長流光到眼愁江梅無意緒飄落任沉浮

其二



詞性堂文集 卷之六十九  
何事悲新節 脚踏吾道窮 殘編饒可讀 且自看春風

人日

解道無涯却有涯 佳辰行樂興須賒 半輪蟾魄欺銀蠟 七  
葉仙萸勝綵花 故向幽人傳姓字 浪將逸句寄烟霞 草堂  
笑引清樽滿屋角 寒梅影欲斜

初春雜咏

天畔遙看出岫雲 春城獨上憶劉蕡 曾知玉骨難泥軟 那  
肯蘭根學艾芬 蝌蚪書陳空自檢 鸛鶴表典共誰醺 一從  
太傅歸林後 若個開筵待護軍

春日曉行

冷戍柝方罷 孤村鷄既鳴 朝霞升遠樹 旭日轉流鶯 夢斷  
愁仍續 心閒境未清 疎簾花氣濕 早報熟青精

病酒

沉沉如夢境 花影午臨窓 却笑兵厨客 徒知戀酒缸

偶成

未老何堪華髮侵 孤芳自是隔園林 桓彝縱有人倫鑒 難  
識殷融未吐心

夜月

一鏡出滄海 纖塵何處生 中庭松栢影 漸次度簾楹

題栖碧軒



雲影松陰漾翠渠紅塵何自到幽居陶潛元自耽泉石五  
柳閒堂一架書

春霽

雨歇青山曉霞明碧嶂新幽林藏宿鳥香藻聚遊鱗傍水  
石生困迎風花落茵閒牕多舊蹟披覽對先民

送予先張明府之任鎮原

幾載鶯花共醉眸忽聞驪唱促行舟春臨瀑水清波湧曉  
望函關紫氣浮玉嶺雲開明萬井蒲川月出印千疇好音  
莫惜頻相慰竚聽西風落雁秋

迎春花

獨讓梅花帶雪肥翻嫌桃李鬪芳菲黃英綠萼春無限着  
意東皇早吐輝

春泛

水繞春城帶曉霞旋隨釣艇出晴沙織烟翠柳鶯梭急綉  
野紅棠蝶拍矚晒網漁人當日午啣泥燕子趁風斜無須  
再覓山陰道有興扁舟卽若耶

海棠帶雨

蜀江借爾點春光翠葉朱英別樣芳卯酒乍醒妃子起一  
枝帶露作啼粧

西郊春望



春城初霽絕塵埃縱目烟郊圖畫開擁樹嵐光經雨斷穿  
花澗溜帶香迴鶯聲歷歷調新曲柳色垂垂拂古苔幾向  
湖東橋上望夕陽倒射綠楊隈

雨後桃花

平原春正奢何亞武陵花粉態猶含露脂顏更襯霞雲聯  
千澗曲錦障萬人家卽此尋源去應知路不遐

春雨

烟鎖金猊雲縷垂輕風細雨釀花枝簷聲浙瀝香塵散簾  
影依微寒峭吹紅濕露梢知蝶懶綠深烟樹覺鶯遲停杯  
坐惜芳華晚欲奠春光作麗詞

清明

清明緩步落花天芳草萋萋綴柳綿野雀啄殘千樹雪流  
鶯飛破萬家烟村迎社鼓農夫慶野競風箏稚子憐惋惜  
光陰如駛急他鄉牢落已三年

春日同陳茂才飲酒

上客重過茆茨新憑將杯竿惜深春風流莫漫稱王謝疎  
曠應還愧孔陳布穀爭教耒播急提壺互勸酒杯頻謀生  
無計休嗷懶且共醕酌作醉民

小築初成偶題

陰陰垂柳覆吾廬近市何曾礙隱居窺戶雜花邀月印繡



謝慎堂詩集 卷之六十二  
階芳草待風梳鳥歸竹塢碁聲靜鶴立松窓篆影疎位置  
孤篷與短鍾投閒幾欲侶樵漁

南園雅集

麩麩翠柳拂清流倚棹南園逐勝遊隔岸峰巒林杪出近  
城臺榭水中浮疇翻麥浪當青眼鼎沸松濤入素甌山簡  
閒來尋醉處至今池館習家優

俠士

爭道熱心全似火豈知冷面轉如霜馮生有缺無彈處擲  
向延津哭幾場

夏日偶步戴奇伯別墅觀竹友人有詩見示和之

蒼翠淇園畔清風淅淅涼似垂湘女淚堪伴晉賢狂鳳尾  
搖金谷龍孫蔭玉堂對君曾不俗更欲引壺觴

感懷

欲傍巖栖學閉關歌風醉月老青山日看嶺上雲多少時  
見松梢鶴往還心似藕牽寧得已身如蓬轉可曾閒劇憐  
景物移懷抱翠壁丹崖獨自攀

棲碧軒初成杜孟南管公式王文甫獻甫昆仲有詩

見贈漫成一律答謝

麗藻紛然次第傳光生四壁起雲烟頓令淺陋成名勝頻  
辱軒車費往還仰側羣賢皆鮑謝敢將孤劣比劉錢閒時



無負松窓約三徑花開月正圓

西山晚翠

西山飛翠入簾櫳  
百仞丹崖初沐同  
弱柳色侵流水綠  
幽花光拂落霞紅  
雲收石磴餘殘照  
月度松窓引緒風  
欲載一巵溪上去  
碧波深處問漁翁

偶興

身許南金經百煉  
心懸北闕轉千愁  
冰花雪葉芳華在  
自插寒梅慰白頭

輓傅青主先生

高寄曾推魯仲連  
少微今暗斗樞前  
秋原木拱新封土  
春

社鶯啼別處  
天三尺魚腸存  
俠槩半生牛耳  
賸遺編臨風  
一掬傷心淚  
日夜隨流到晉川

答魏秀才

作賦深知司馬才  
幾曾把袂古城隈  
詩裁八桂春雲簇  
琴譜三湘夜雨來  
却爲遊仙常辟穀  
豈因混俗廢銜杯  
莊生夢破花前蝶  
身似浮雲任往回

題美人圖

難把芳心寄所歡  
攀花無語悵孤鸞  
金猊香燼琵琶冷  
月上松梢獨自看

友人招飲



劇飲愜幽興狂呼各盡歡  
碁敲黃橘熟射較皂鵬寒  
鬢短花增媚腸枯酒潤寬  
主賓情未已松月下雕闌

偶興

裊裊垂楊拂石欄閒雲流水靜  
中看應門莫報登朝事貢  
禹如今欲掛冠

夏日太和殿應試歸紀其事

建章宮闕五雲遮聲轉簫韶徹  
九華雉尾風清天咫尺螭  
頭香煖露橫斜花明鳥影移  
晴闌柳拂簪纓耀錦紗自是  
文章開景運各抒懷抱獻  
天家

其二

金門曉闕集羣英紫禁雲連設  
錦棚次第表章呈  
北闕班聯人物擬西京  
九天式序垂清憲百執陳言凜  
法程共沐皇恩深眷顧還瞻  
聖藻啟文明

其三

瑞雲爛熳覆蓬萊曙色平分曉  
仗開荷雨飄香清輦道彩  
霞倒影護樓臺自關肝食勤民  
隱豈屬微詞動  
聖裁良會欣逢思獻賦小臣愧  
乏子雲才

其四

金殿重重啟紫微龍墀賜坐凜  
天威文成五彩雲初霽  
花擁千官露未晞煖影旌旗鵷  
鷺集和鳴簫管鳳皇飛恭



承盛世明良會百爾羣工舞蹈歸

御試後惠印可自鄂渚以詩見贈賦答

檢得殘編愧寡聞敢言孤鶴異雞羣遊魚自恃江湖濶野  
雉徒矜錦繡文不分行藏同仲叔可知踪跡類參軍憐君  
遠詢春消息草木初霑雨露勤

牡丹

珍重洛陽種爭傳傾國花朱顏凝日顫翠袖倚風斜淡艷  
宜臨水濃芳復映霞清平詩調好誰更似官家

答魏蓮六

徑滿蓬蒿絕送迎幽人自不負寒盟孤蹤久謝平侯績同

氣爭傳博士名刻竹留題休問主看花載酒獨怡情知君  
饒有陽春調容易何從得發聲

九日

遮莫三秋盡陶家籬菊新茱萸香滿把那許負芳辰

其二

喧坐花催酒巡行香襲衣砧聲敲不斷幾點雁南飛

呈少宰又弓胡先生

淮南學士文章伯玉珮歲筵步天陌家學淵源載汗青身  
名遠邇傳清白日照花磚香霧團晨趨講幄夕鳴鸞親承  
宸翰徹蓮燭拜手明光墨未乾論道崇儒勤啟沃咸登三



五日不足彩鳳輝騰德有隣木雞養湛神爲谷自秉銓衡  
藻鑑新吹噓萬彙起沉淪盈庭濟濟皆忠孝山公不愧號  
知人翹首龍門時仰止嶧桐百尺凌霄起門墻繁蔭李桃  
枝搖蕩春風千萬里

冬日將赴東魯任別朴園李明府

路出皇華事遠遊遲遲未忍別賢侯風迴雁語悲清曉雪  
引梅香度碧流宅卜城隅曾倚厦光從隣壁幾分篝伊人  
在望嗟修阻遙指蒹葭白露秋

惠印可由鄂城以書見寄兼得武陵信賦答

尺素飛來落葉天始知已放米家船鄂州黃鶴雲初起常

武丹砂月又圓君展鳳儀榮暮景余隨牛尾卜豐年博山  
香燼三冬夜惆悵懷人管榻穿

友人楊漢哲由楚之沛有書見寄賦答兼懷鄧公遜

鴻書遙下水雲鄉兩地同懷月一方鄖國關山新物采留  
城雨露潤年芳幾經永夜馳幽夢無限深情託短章爲語  
隔津詞賦客何時秉燭吐琳琅

水仙

亭亭孤立伴春梅妃子凌波月下來休倩酒徒金作盞還  
留洞府玉爲臺

其二



靈根緣地感時生分得幽蘭綠幾莖自有清香飄素艷何妨玉女許同盟

入園吾與鳳雛樂君景余讀千里小豐手專山

復嘯草自序

詩也者寓景抒懷感舊傷今纏綿愴惻莫不於斯焉發之所以暢遂其性情也余自乙丑菊月量移東阿未親翰墨者七閱月心志苦無所恃至丙寅春簿書餘隙始得理殘編托興吟哦以驗居諸之勤情云爾



課慎堂詩集卷之七

復嘯草目錄

丙寅春日判瑞田三過訪瑯琊署二律

無花二首

瑯琊署聞蒲陽大兄補西蜀方伯誌喜

瑯琊署自嘆四首

雨霽蒙陰道中口占二首

次鶚立上人遊羽山韻

丙寅中秋陰雨同諸友人小酌醉後感賦二律

同鶚立上人劇談釋典偶占一絕

咏蕉花



重九日玉調霍將軍遺菊四種賦謝

九日同諸友人登磨山小酌兼試射獵文治陶子有

詩見示率和元韻

次鶚立上人移栽牡丹原韻

季秋小酌步陶文治韻 惜秋

瑯琊署送秋

花

砧

蟬

月

雁

風

葉

蛩

有感

雨後尚卿謝八邀飲齋頭索詩即賦贈

宿遷遇雨

雨中舟次大伊山

寄大可毛太史

清河道上

陶子文治將南歸以志別詩見示賦答原韻

寄杜孟南

寄李聖用

再送文治

瑯琊署憶開一及諸同人得心字

冬夜同魏蓮六小酌劇談良久多慷慨語因賦贈之

僕至聞直省新令甚嚴因誠之遂成一律

紙花罩

輓異渥仇先生夫婦節孝



祝蓮六初度

對雪

有感二絕

迎春花

壽鶚立上人二首

暮冬讌集四首

冬日雜感十首

立春

祀竈歌

雪夜小酌

丙寅除夜三首

丁卯元旦四律

偶感

人日

賦得一卧滄江驚歲晚次王秀才韻

讀李坦齋伐檀集賦贈 寄褚澄嵐

截九趙秀士自武清過訪以詩箋及褚澄嵐札見示

因賦答之

寄湛子楊司直

寄馬開一

麥浪

贈鶚立上人

席間客稱文治多能率賦以贈

漫興和鶚立韻

答贈鶚立上人原韻

簡漢孺張刺史

答曹渭符即用原韻

祝宜兄王中翰壽

中秋家筵賞月漫賦

寄王聖敬

寄管公式

寄杜孟南

寄仇秀才

寄惠印可二十韻

寄懷方伯蒲陽家兄二絕



水晶筆架

青玉筆架

銀官瓦玉中

青玉筆架

青玉筆架

青玉筆架

青玉筆架

青玉筆架

青玉筆架

青玉筆架

青玉筆架

青玉筆架

青玉筆架

青玉筆架

青玉筆架

青玉筆架

青玉筆架

青玉筆架

青玉筆架

青玉筆架

青玉筆架

課慎堂詩集卷之七

復嘯草

銀城李興祖廣寧著

受業陶

岐文治

校

古駮王 楫汾仲定

男

鰲又白

丙寅春日判瑞田三過訪瑯琊署

綠柳紅花逼禁烟  
解貂沽酒縱留連  
買山惟乞分司俸  
餉客還餘博士錢  
劇飲頓因消久渴  
深談猶自勝高眠  
流光莫易輕拋擲  
旅次春風又一年

其二

相逢痛飲到更闌  
潦倒狂呼意自寬  
瘞筆高僧方就醉  
焚



魚學士且留歡虛窓絳蠟通宵徹冷署青樽續夜殘四海  
瘡痍猶未起終慚匏繫此儒冠

莫以無花  
陌上花如掃亭前柳欲眠黃鶯無意緒寥落怨啼鵲

無花當酒籌獨坐寂如秋更憶無花處還應有酒樓

瑯琊署聞蒲陽大兄補西蜀方伯誌喜

璽書遙下理雕鞍魯北燕南兩地看祇爲屏藩承寄重敢  
因雨雪畏途難錦江波浪龍湫起雲棧紆迴鳥道盤莫訝  
風塵邊徼遠恩光近處是長安

瑯琊署自嘆

日對荒岑竹數竿蒼顏老易立名難管寧鋤圃情非矯介  
子焚山義自安敢謂風霜蹤跡異惟思魚鳥海天寬前期  
莫向君平卜得遂初衣卽掛冠

其二

斗大孤城事事非村烟寥落柘桑稀野蠶未得成春繭花  
錦何從上月機晴日當簷舒暖律雪風入室透寒威可憐  
林鳥思投食幾傍人家門戶飛

其三

峭嶂層巒蔓碧苔低低茅屋傍山隈華門風引花香入木



榻松招月影來剝啄有聲驚客至嘯歌無次喜樽開悠然  
此夕成追憶難禁寒鐘暮角催

其四

懸瀑冷泉聽不窮丹崖四嵌碧雲中魯山律兀關心切沂  
水波濤望眼空砧杵千家驚落木簿書十載悵飄蓬嵇生  
懶癖應難改無那他鄉雨與風

雨霽蒙陰道中口占

草抽芳徑嫩柳拂小橋柔雲氣嶺頭淡鳥聲林外幽

其二

雨拭峰巒淨風吹澗芷香遠鐘催晚渡古樹透斜陽

次鄂立上人遊羽山韻

結伴登臨去尋幽入翠微洞懸秋月冷峰染晚霞輝虎穴  
風時嘯龍湫雨暗飛谷聲頻響處吟眺淡忘歸

丙寅中秋夜雨同諸友人小酌醉後感賦

草堂夢覺聽鳴鐘剪燭留賓發興濃東閣輕雲垂繡幙南  
樓疎雨度青松蟲迎秋氣傳聲急花抹蟾光布影重更趁  
清宵舒醉眼綠萍池上看芙蓉

其二

風雨闌珊秋半時賞心莫問夜何其獨憑疎檻聽吳曲漫  
折寒樺插建磁空向良宵添悵望只爭明月費尋思百年



襟抱從君豁翻恨臨邛獻賦遲

同鶚立上人劇談釋典偶占一絕

六宗無語默參同一指難欺八老童  
松上風聲荷上露請看是色是虛空

咏蕉花

誰值仙人別樣花翻翻窓外擁秋華  
供書却訝香生筆覆鹿旋看錦作霞  
似竹幾莖飄翠袖疑荷數點剪紅紗  
殊令荒署增幽致雨灑風搖興倍奢

重九日玉調霍將軍遺菊四種賦謝

露白風高九月天東籬香簇紫英鮮  
將軍久識凌霜意故

遣延年伴謫仙

九日同諸友人登磨山小酌兼試射獵文治陶子有

詩見示率和元韻

登高追往事落帽慰同羣  
欹石飛紅友臨流聽紫雲

曲名花

茵矢鏃破草徑馬蹄分我愧山東妙寧誇假六軍

次鶚立上人移栽牡丹原韻

移來仙種植茅堂待得春明壓衆芳  
莫訝真妃曾近座須知天女侍空王

季秋小酌步陶文治韻

竹院松堂別有天一林紅葉映疎簾  
狂吟痛飲黃花側道



是詩仙是酒仙

惜秋

秋去憐秋秋不迴  
疎林落葉滿荒臺  
莫嗟秋去無消息  
明歲黃花依舊開

瑯琊署送秋

高臺送落日永夜撥寒灰  
冉冉三秋盡哀鴻來復來  
百錢買村酒送秋臨高臺  
莫隨水流去還憑雁帶迴  
慘淡籬邊菊荒涼檻外苔  
暮蛩聲偏苦愁雲陰未開  
年華忽已晚漸驚白髮催  
閨人急砧杵行路思悠哉  
鹿鹿何所就俯仰空徘徊

咏秋八絕

花

芙蓉秋冷客思遙  
欲採天香躡漢橋  
玉兔搗闌金粟影  
霓裳恍舞碧雲霄

砧

萬里秋空銀漢橫  
淒涼砧杵搗初更  
故鄉聞爾應惆悵  
何況荒村斷續聲

蟬

棲榆飲露自清心  
切切淒淒若苦吟  
更為送秋情愈迫  
生憎日落未停音



離離皎魄掛庭梧如水天街湛玉壺可奈砌蛩聲轉急獨  
憐海鶴影偏孤

雁

度海經山不住飛聯翩萬里竟何歸祇因塞外傳書急月  
白風清下釣磯

風

瑟瑟蕭蕭響桂叢螢飛葉落各西東怪他旋轉無踪跡常  
送歸鴻過碧空

和葉

飄零故壘與荒丘踪跡何曾到御溝不向宮娃題舊恨偏  
供詞客寫新愁

蛩

風簷露砌韻悠悠斷續殘更九月秋應念遊人多別思一  
聲聲近在床頭

有感

龍蛇原異種鳶鳳豈同儔看劍寒星落鳴琴孤鶴秋  
雨後尙卿謝八邀飲齋頭索詩卽席賦贈

亭圍花竹接離前愛客重開北海筵遺墅風流昭若鑑芳  
塘春草望如烟知君健翮隨雲起愧我幽衷得月憐漏轉



詩集卷之十六  
譙樓催進酒欲將水調入歌絃

宿遷遇雨

襖被巾車路怯泥河流晚漲黑雲低山形近擁千帆亂雨  
氣旋將萬樹迷秋老他鄉仍落拓夜寒孤鵲幾驚栖殘燈  
古驛方欹枕破夢霜簷何處鷄

雨中舟次大伊山

近岸蘆飛白遠溪蓼褪紅烟巒新拭雨布席晚凌風雁字  
橫天外漁舟泊柳中王維詩裏畫窮後始知工

寄大可毛太史

玉署爭傳廊廟珍除書暫許樂天真南宮草諫花生筆西  
掖衡文月照人鏡影翔鸞憐黑髮爐香篆鳳奠清晨深慙  
陶鍊無新句難拂虞卿几上塵

清河道上

晨光開復闇霧氣悄還遮路滑當春雨流長憶漢槎望中  
關樹直行處嶺雲斜翹首西山外烟深好是家

陶子文治將南歸以志別詩見示賦答原韻

醴廢穆生離榻懸徐子知祗因歸覲急不肯束裝遲祖道  
鞭揚日延津劍合時河梁歌未已門外馬頻嘶

寄杜孟南

幾欲從君借指迷曾知鳴鳳不卑栖明年一棹桃花水遮



莫山南淮水西

寄李聖用

角巾塵柄自如如，贏得身閒老校書。  
樂志有成輸釣牧，趨時無術愧樵漁。  
夜披古卷燃孤炬，晨啟芳園摘嫩蔬。  
卽此逍遙堪世外，不須更嘆鬢蕭疎。

再送文治

別愁愁對別人愁，愁滿金樽月滿舟。  
執手殷勤訂後約，春林花發鳥聲幽。

瑯琊署憶開一及諸同人得心字

惋惜風光寄遠心，春鶯秋雁各分襟。  
曾隨拄杖遙看竹，還

憶攜琴共入林，梁上心懸明月冷。  
天涯日斷暮雲深，平津劍合知何日。  
潦倒閒窓自苦吟。

冬夜同魏蓮六小酌劇談良久多慷慨語因賦贈之  
燕臺落落舊名流，如扣洪鐘自寡儔。  
捫蝨已曾驚內史，辭肝仍欲謝安侯。  
西堂月白來詩夢，東閣花深送酒籌。  
醉後披襟增逸韻，疑從雪裏放扁舟。

僕至聞直省新令甚嚴因誠之遂成一律

莫將世事費周張，倦卧饑餐意味長。  
須畏埋輪威似劍，從教徒木令如霜。  
好勤樵採防冬冷，更理園畦備歲荒。  
租役早完休遜匿，任憑胥吏擾呼忙。



紙花罩

誰將銀楮作籠紗移向床頭護早花為語狂風休費力清香已滿鄴侯家

輓異渥仇先生夫婦節孝

有序

按異渥先生乃渥水孝子也父喪廬墓側食必哭奠以過哀卒夫人張又以哭舅并哭先生踰年亦卒余聞之不禁悽惻且以未炙先生遺範為憾洎與令嗣慕孺交因出容城孫徵君所製墓誌示余遂賦四韻以志輓云

嗟彼東山塚同心節孝分魂借松柏老行誌墓廬文卧閣

懸秋月粧臺起暮雲素風傳後嗣芳躅至今聞

祝蓮六初度

世情冷煖不關心獨把一編燈火親心靜六爻差可玩眼明十部借傳神避時君抱林宗志息影吾懷智永身席帽布袍相對處笑將杯斝效封人

對雪

方就江頭醉彤雲忽暗催紛來迷釣艇亂撲漫琴臺重壓袁扉竹輕颺庾嶺梅剡溪如可棹乘興莫遲迴

有感

九月黃花十月肥陶公庭院更霞暉曾知處士惟孤潔日



看閒雲無是非

其二

斗室能藏太史書  
截蒲每效路溫舒  
雲岩月峽憑登涉  
似與輪蹄日漸疎

迎春花

梅花不分謝東風  
誰着侯桃開滿叢  
留得歲寒滋味在  
憑他春徧上林中

壽鶚立上人

馴烏狎鹿覺眉揚  
滿坐春生祇樹香  
久向雲棲觀佛性  
松窓時透火珠光

其二

紅蓮弄色白蓮香  
天女雙擎般若湯  
透頂金光隨處現  
分來僧臘自空王

暮冬讌集

老大愁添兩鬢霜  
三餘無事細商量  
雪晴茅店新開醞  
爲問山梅可吐芳

其二

東閣梅開值歲殘  
曾知詰早薦辛盤  
後二日立春殷勤餞臘惟  
今夜行酒科條莫放寬

其三



詩懷堂詩集 卷之十  
何羨當年秉燭遊陽春白雪聚名流詩成更合頻頻酌莫  
向青燈嘆白頭

其四

承恩每愧側輕肥何暇從容賦采薇嘉會良辰須盡醉烟  
霄雲壑自無違

冬日雜感

愧向人前嘆數奇登山臨水一囊詩逃禪欲覓支公伴乞  
食羞過漂母祠爲訪梅花常起早因耽村酒每歸遲卑栖  
不礙巢由跡衡泌從來事可師

其二

南箕北斗兩悠悠浪跡天涯嘆寡儔徑任蒿荒如仲蔚車  
經轅折類君游林花過雨親芟擷架帙挑燈重講求老大  
不堪談吏術欲從魚鳥作閒遊

其三

獨愛雲莊魚鳥親茆茨重疊當花茵垂金岸柳方舒暖綻  
玉江梅又放春翻恨無山堪寄傲詎云有筆可傳神悠然  
感觸平生事曳綬投竿共此身

其四

寂歷茆堂對野田每驚時序轉悠然廿年事業風塵裏半  
百生涯麩蘖邊兄弟他鄉看落月功名此會憶凌烟欲知



魂夢依依處常繞燕南蜀北天

其五

頻年回首事茫茫對鏡難堪鬢髮蒼  
爭得舊交來履杖可知餘興在滄浪  
甕頭賴有三春酒甌底看無一宿糧  
獨耐寒暄惟皓月常憐孤影送清光

其六

門掩荒陬護薜蘿春迴三徑綠婆娑  
強裁潘岳花前賦愁聽青蓮醉後歌  
自種石田消骯髒還鋤蔬圃慰蹉跎  
等閒莫話封侯事髀肉難消鬢已皤

其七

連朝心口幾相攻每怪臨岐嘆道窮  
敢復建章搖劍珮詎思鳴鳳集梧桐  
從人笑拙同藤鼠甘自投情老蠹蟲  
但使縹緗存姓字何妨混跡俗塵中

其八

筠徑松窓得自如頻驚落葉下庭除  
故書堆裏繙奇秘新雨燈前話古初  
好友留歡勤縮袖雛兒問字漫牽裾  
生平祇慣耽詞賦蠅利蝸名視若虛

其九

作吏荒陬興不刪臨溪扶杖意閑閑  
王維畫裏梅三樹韓愈詩中屋兩間  
夢國詎知槐蠡小醉鄉翻喜海鷗閒  
浮生



得失如環轉誦至言還服賈山

其十

閱盡艱危見世情閒看花草待春生  
天桃灼灼輝東郭弱柳垂垂蔭北城  
種圃英雄悲皓首翻經開士笑銀檠  
寒梅影落書窓月須倩南樓玉笛聲

立春

迎春春尚在東臯挂杖錢應備飲豪  
席近寒林觴迭勸人當霽景步忘勞  
惜騰遊侶惟喧笑點染風光獨雅騷  
沸耳管絃隨處發何如醉後聽松濤

祀竈歌

回頭頻顧金錯鞘醉聽吳兒翻越調  
榆籬槿戶透凄風始信岑公但坐嘯  
世傳此夕薦燎薪寅陳楮帛隨俗好  
始自

炎帝鑽火功

炎帝作火死為竈神見淮南子

繼有子方用羊燠

後漢陰子方臘日晨

炊見竈神以黃羊祀之遂致富

再拜司命聽吾言陽春無私何偏照  
温嶠

錢癖吾不如致令妻孥食糠竅極知  
貧富有天司胡窮翻

為鬼所笑鬼笑空勞營什一出入僅  
存黃紙帽烹羊包羔

娛石崇築樓起觀歡邢邵用是悠悠  
繫我思魂搖如擾風

中燾又如袁耽着敝衣投馬當前幾  
絕叫豈謂吾儕已衰

遲呂望八十猶云少敢厭承明九闕  
深惟冀金門一紙詔

趨蹌不子細吟哦呼噏之間如我召  
呼童掃几陳椒觴更



葵明香煩再告送窮乞巧欲成文愧無韓柳筆舌妙藉汝  
殷勤訴上帝獲遂吾私矢必報

雪夜小酌

永夜飛觴感逗留悠揚旋捲入窓幽似棉風影翻增冷如  
劍寒威不剪愁架上藏書餘蔡李壁間名畫剩唐仇前期  
應有梁園在折簡憑誰作勝遊

丙寅除夕

好憑村醕滌愁煩臘盡今宵餞一樽荒署邀來高蹈客除  
朝謝去舊塵根送窮文既推韓愈邀寵思還讓李繁聞道  
輿言宜坐歲更將往事細評論

其二

雨雪蕭條強作歡新愁舊恨付眉端桃符門巷憐鳧鳥爆  
竹兒童笑鵲冠客路風光催鬢短鄉關魂夢度年殘窓寒  
壁冷堪誰問祇有文潛耐金乾

其三

濁醅滿泛意蕭蕭為餞流年鬢已凋解凍寒梅思放眼迎  
暄弱柳欲舒腰風穿簾幙書籤冷雪擁窓檣蠟炬銷擊缶  
拊甕吾事足如泥一醉至來朝

丁卯元旦

明霞透樹日曛曛賀客暄傳斗柄東滌硯曾知將解凍繙



經却笑只書空流連栢葉淘孤憤攀折梅花寄素衷太史  
紀年應兆瑞整冠遙拜九霄宮

其二

自笑閒居一事無雀羅門巷卧寒儒興闌慵展三姑記眼  
暗愁看九老圖時序又驚新爆竹世情還換舊桃符浮雲  
流水紛來往獨向黃公覓酒壚

其三

熒熒燈燭迓春初律轉黃鐘陽氣舒逐隊兒童喧爆竹聯  
班賓客慶懸魚紛來氣談憐時輩羸得清癯讀古書莫悵  
雲莊風物異青山綠水繞吾廬

其四

霜巘卧病忽經旬草色烟光又早春望去青山成獨嘯愁  
來白髮漸相親曾知郢曲難同調却笑齊竿濫比隣頻對  
梅花憐傲骨巡簷咄咄向何人

偶感

疎狂久不逐時名何事還勞月且評我羨茆容將母意人  
譏伯道嗣兄情

八日

春風遙度竹窓幽人日翻因感舊遊數載交情雲過眼半  
生心事雪盈頭攀花且復簪新帽貰酒無須解敝裘新水



如藍溪澗澗擬從漁艇泛滄洲

賦得一卧滄江驚歲晚次王秀才韻

逃名容易立名難且向江頭把釣竿夜卧一簑依柳岸日  
隨雙槳下蘆灘人來桃戶傳春曆家具椒馨餞臘盤久矣  
忘情鷓鴣伴不知歲序已將闌

讀李坦齋伐檀集賦贈

綵筆能專造化權晚年惟載米家船端居鼓瑟鳴珠浦跌  
坐餐霞嗽玉泉薊北人爭元禮御沂陽名著謫仙篇囊中  
更有龐公藥朝夕看山興獨偏

寄褚澄嵐

貧病淹旬懶較經每歌葭露想儀型窺人鳥度穿花徑對  
客樽移卧月亭鏡裏竟無多髮黑筇邊猶有數峰青孤踪  
落拓江天外怪爾津門聚德星

截九趙秀才自武清過訪以詩箋及褚澄嵐札見示

因賦答之

蕭條冷署傍山隈破寂新知投刺來尺幅書傳弘度意五  
明扇識景真才文成梁苑春花發酒倒黃壚夕照催此去  
彥回如問訊添多懶癖更虺虺

寄湛子楊司直

卓立雲霄獻納司直聲岳岳動清時曾從黃絹窺奇字敢



向青天凜四知珥筆行同玄武仗封章步接鳳凰池應憐  
買犢如龔遂早已傳聲達玉墀

寄馬開一

曾共墻東話隱淪生平獨喜少游真高山流水彈爲曲白  
石青松結作隣意氣由來推劇孟豪華久已識陳遵蒼葭  
時切離羣思每聽嚶鳴感慨頻

麥浪

寂寞荒陬外閒看麥浪融青涵丘畔雨翠颭隴頭風蕩漾  
無分水瀾漫直接空試從舟子問陸地可帆篷

贈鸚鵡立上人

七尺枯藤千萬峰平生瓢笠伴行蹤團蒲入定三更月杖  
錫飛迴午夜鐘祇樹葉疎雲自補曇花香暖雪還封囊中  
粟粒誰能數聲臭無聞是正宗

席間客稱文治多能率賦以贈

羨君表表美髯髭鳥篆魚文寄所思彩筆題詩追太白黃  
庭作字擬羲之每將焦尾邀明月間借秋杵坐夕池墨妙  
更加十八丈人人稱道畫家師

漫興和鸚鵡立韻

有引

茉莉盛開上人以架上茉莉千點雪之句屬余對  
立應曰甕中菡萏一攢霞時上人詩成索和卽又



以對句應之不勝絕倒

一邊談史一邊詩一處看花一處棋架上茉莉從雪吹甕  
中菡萏可人思

答贈鶚立上人原韻

逐日醅醕醉憑詩寫素心自無漢殿酒誰有越臺吟晝永  
花侵榻秋陰雲濕琴陶家菊滿徑七子竹成林

簡漢孺張刺史

豆纔新角摘來香韭向南園嫩剪將卽乏尊羹與鱸膾與  
君淺酌味偏長

答曹渭符卽用原韻

卜築荒岑闢徑初周遭野色一亭虛何當繡虎山中駕來  
訪猶龍柱下書七步才名從放達九華風韻自蕭疎角巾  
塵尾頻傾倒莫漫逢人下犢車

祝宜兄王中翰

焚却銀魚學隱淪芳園日日對花新不談世俗之中事真  
是羲皇以上人十斗醉眠金孔雀五雙斑舞玉麒麟桂叢  
香接蘭蓀茂都向華堂繞大椿

中秋家筵賞月漫賦

此夕冰輪覺倍圓漫呼妻子宴堂前將分靈藥酬佳節還  
向嫦娥列綺筵人影似魚紛荇藻月光如水漾淪漣佳香



詩懷堂詩集 卷之七十八 初編  
暗與爐烟合拍手狂歌問醉仙

寄王聖安

疇昔栽花遊無棣相成不異同舟濟風雨論交仗友朋  
壘篋叶韻聯兄弟從來契合爲知音流水高山響素琴  
琨珉迭着鞭前路遠呂嵇命駕兩情深古人結交非泛濫原欲扶  
持忠孝擔道中事業志惟堅分外功名心要淡感君贈我  
呂虔刀我亦酬君鷓鴣膏行遠登高揮手去風雲萬里恣  
遊遨承乏我羈淮魯野君發雙旌佐五馬丈夫成事豈因  
人寧饑不食孟家鮓居卑居尊莫較量但將清節報君  
王馳驅王路欣聯轡襟懷如舊慰連床連床不盡平生語

吾輩情應異兒女記得高梧葉落時剪燈猶瀉壚頭醅  
秋山似畫秋水清南雁排空幾字橫此夜故人應悵望千里  
相思共月明

寄管公式

艷艷芙蓉照秋水幽香暗接蘅與芷錦鴛素鷺不離羣  
水遠山長懷君子君子者誰管幼安才如錯繡氣如蘭揮金  
從不分疎密比玉曾知無玷癥詩價鷄壇高樹幟只今淹  
貫無其比煥如鳳儀展層霄千丈霞標瞻宇器管鮑分金  
誼更真獨能不厭李生貧青松白石閒中趣春柳秋花靜  
處神夜則連床晝攜手論忠談孝不離口日吾儕讀古人



書文行須當傳不朽憶我執鞭東郡初慨然贈我金僕姑  
感別旋令雙鬢改續遊肯掛片帆無天涯明月隨孤影對  
景懷人時耿耿遠水遙山尺素稀佳床短榻枰楸冷雲淡  
天空一雁飛孤筇乘興出柴扉倘君肯命嵇生駕籬菊方  
開蟹正肥

寄杜孟南

秋雨秋雲不肯晴離襪孤鶴雨中鳴草色蕪青迷徑路松  
陰落翠濕簾楹幾回相望栖雲伴水遠山長目欲斷猶憶  
當年汗漫遊終宵銀蠟曾頻換從人笑我獨癡愚仗君爲  
作指南車紛披筆綵千花亂照耀珠光十乘餘如今索居

東海嶼譬如暗室宵無炬獨行踽踽拄青筇不知南北分  
何所人生何必費踟躕九月黃花已滿枝曾識陶公三徑  
在欲攜尊酒醉東籬

寄仇秀才

去時薰風初轉燠把酒未言君先哭丈夫豈爲別離難多  
年交好情非木忽復奮臂作激昂手掣霜鋒聳怒目何當  
感慨復悲歌如君可否托心腹重義原非游俠流詎爲敬  
仲詎鮑叔孔李累世稱通家融也更不同私淑維時師與  
尊人肩文學相資言與卜側聞洪鐘豁聾聵於今庶幾遠  
荒繆蚩蚩顧茲景升兒執經旋又煩教育我已聞詩類伯



魚君復說禮慰舐犢敢謂郟家有鳳毛但求駘足無顛覆  
海上成連竟不歸茫茫回首伯牙獨落盡蓮花一沼紅又  
送天香金桂馥殷勤曾記東歸約相期把酒籬前菊願君  
早着祖生鞭山徑蹊間茅已簇

寄惠印可二十韻

惠君洵雅彥蓮幕坐高秋雲路終能奮霞標誰與侔黃鶯  
遷茂樹白鶴起滄洲望重連城壁豪凌百尺樓詞壇追屈  
宋文苑駕曹劉筆落珠從貫緱懸水待抽揮金無宿諾借  
箸有前籌金石交原久芝蘭氣自投從容恣笑傲反復惜  
淹留高論縱橫出奇書次第搜摩掌雲一鶚遊戲海雙鷗

對月長歌發逢花太白浮逐時祛俗累計日進媿修搔首  
嵇中散聞鷄祖豫州伊人稱彼美我友比其休竹帛期同  
勉江山得共遊何當成異地那可解離愁東岱櫻桃澗南  
湖杜若洲繡空霞似綺釣水月如鈎攬景思良會遙遙極  
遠眸

寄懷方伯蒲陽家兄

一閣涼如水蕭然只此身夢隨鴻雁落可到蜀江濱

其二

遙憶成都客形孤類我身八行陳苦况萬里慰遊人

水晶筆架







